

四庫全書

子部

欽定四庫全書

子部
玉海卷四十七

詳校官給事中_臣查善長

主事_臣祁韻士覆勘

總校官進士_臣朱 鈐

校對官編修_臣馬啟泰

謄錄監生_臣慕湘文

欽定四庫全書

玉海卷四十七

宋 王應麟 撰

藝文

雜文

古者史官其書有法大事書之策小事簡牘至於風俗之舊耆老所傳遺言逸迹史不及書則傳記之說或有取焉然自六經之文諸家異學說或不同況乎

幽人處士聞見各異或詳一時之所得或發史官之所諱參求考質可以備多聞焉

漢志

前歷志

見三統

漢洞歷 吳洞紀

論衡會稽周長生文士之雄也作洞歷十卷上自黃帝下至漢朝鋒芒毛髮之事莫不紀載與太史公表紀相似類也上通下達故曰洞歷長生非徒文人所謂鴻儒

也超奇篇

吳志韋昭傳世間有古歷注其所記載既多

虛無在書籍者亦復錯謬因尋按傳記考合異同采摭

耳目所及以作洞紀起自庖犧至於秦漢凡為三卷當起

黃武以來別作一卷事尚未成

唐志韋昭洞紀四卷周植洞歷記九

卷莊子音義引洞紀

雜史吳歷六卷隋志韋昭洞紀記包義

以來至漢建安二十七年臧榮緒續一卷南史庾詵

撰帝歷二十卷

漢劉向戰國策

漢志春秋家戰國策三十三篇記春秋後 隋志雜史

三十四卷劉向錄二十一卷高誘注漢初得之蓋戰國

游士記其策謀 唐志三十二卷高誘注延篤論一卷

司馬遷傳采戰國策

史記所采之事九十三

索隱高誘云六

國時縱橫之說也一日短長書亦曰國事劉向撰為三

十三篇名曰戰國策非遷時已名 劉向校書錄敘所

校中戰國策書莒又有國別者八篇臣向因國別者畧

以時次之分別不以序者以相補除復重得三十三篇

中書本號或曰國策或曰國事或曰短長或曰事語或曰長書或曰修書 蜀志李權從秦宓借戰國策宓曰戰國反覆儀秦之術殺人自生亡人自存經之所疾

史通其篇有東西二周秦齊燕楚三晉宋衛中山合十

二國

東西周各一秦五齊六楚趙魏各四韓燕各三宋衛中山二

宋朝曾鞏重校

序錄曰劉向定二十三篇崇文總目稱十一篇者闕臣訪之士大夫家始得其書正其誤謬而疑其不可考者然後三十三篇復完敘曰法者所以適變也不必盡同

道者所以立本也不可不一此理之不可易者故孔孟
守此戰國之游士不知道之可信而樂於說之易合故
論詐之便而諱其敗言戰之善而蔽其患其相率而為
之者莫不有利焉而不勝其害也有得焉而不勝其失
也

漢應奉漢事 漢書後序 荀爽漢語

應奉傳著漢書後序多所述載注袁山松書曰奉又刪
史記漢書及漢記三百六十餘年自漢興至其時凡十

七卷名曰漢事子邵著中漢輯序 隋志儒家梁有後

序十二卷後漢司隸校尉應奉撰雜家梁有洞序九卷

錄一卷應奉撰 荀爽傳集漢事成敗可為鑒戒者謂

之漢語 史記文紀注晉灼引漢語索隱曰書名荀爽

所作 舊唐志後漢雜事十卷

雜史

帝王要畧

隋志雜史十二卷環濟撰

紀帝王及天官地理

帝王世錄一卷甄

鸞撰帝王諸侯世畧十一卷帝王本紀十卷來輿撰十

五代畧十卷古文甫撰

起庖犧至晉

後漢以來學者多鈔撮

舊史自為一書或起自人皇或斷之近代亦各其志而

體制不經

唐志賈匪之漢魏晉帝要紀三卷

魏晉世語

隋志雜史十卷晉郭頒撰

魏志注引之唐志作代說

三國總畧

宋元嘉十四年河西獻周生子十三卷時務論十二卷

三國總畧二十卷俗問十一卷十三州志十卷四科傳

四卷漢皇德傳二十五卷魏駁九卷古今字二卷至孔子讚一卷合一百五十四卷 劉延明以三史文繁著略記百三十篇八十四卷

梁通史

唐志梁武帝通史六百二卷 隋志四百八十卷起三皇訖梁 史通梁武敕其羣臣上自太初下終齊室為通史六百二十卷其書自秦以上皆以史記為本而別採他說以廣異聞至兩漢以還則合錄當時紀傳而上

下通達臭味相依又吳蜀二主皆入世家五胡及拓跋氏列於夷狄傳大抵其體皆如史記其異者惟無表而已吳均傳武帝召均使撰通史起三皇訖齊代均草本紀世家已畢唯列傳未就顧野王撰通史要略百卷

左史

隋志雜史左史六卷李賾撰

晉書鴻烈

隋志雜史六卷張氏撰

唐十三類史錄

藝文志乙部史錄其類十三一曰正史類二曰編年類
三曰偽史類四曰雜史類五曰起居注類六曰故事類
七曰職官類八曰雜傳記類九曰儀注類十曰刑法類
十一曰目錄類十二曰譜牒類十三曰地利類凡著錄
五百七十一家八百五十七部一萬六千八百七十四
卷不著錄三百五十八家一萬二千三百二十七卷正

史類史記至隋書七十家九十部四千八十五卷有集

史五家總七十三家六十九部編年類紀年至隋後略四

十一家四十八部九百四十七卷偽史類華陽國志至

三十國春秋一十七家二十七部五百四十二卷雜史

類古文瑣語至三國典畧八十八家一百七部一千八

百二十八卷起居注類穆天子傳至唐創業起居注六

家三十八部一千二百七十二卷有寶錄二十部詔令十一

部總七家七十七部故事類秦漢舊事至南宮故事十

七家四十三部四百九十六卷職官類漢官解詁至官
卿舊事十九家二十六部二百六十二卷雜傳記類三
輔決錄至詞林文人傳一百二十五家一百四十六部
一千六百五十六卷有女訓家十七總一百四十七家一
百五十一部儀注類漢舊儀至大唐書儀六十一家一
百部一千四百六十七卷刑法類漢建武律令至開元
格後勅二十八家六十一部一千四卷目錄類劉向七
畧別錄至羣書四錄十九家二十二部四百六卷譜牒

類世本至著姓畧記十七家三十九部一千六百一十

七卷地理類三輔黃圖至劔南地圖六十三家一百六

部一千二百九十二卷六典秘書郎乙部為史

其類一十有三一曰正史以紀紀傳表志史記等

部三千八十三卷二曰古史以紀編年繫事紀年等四十

十六卷三曰雜史以紀異體雜記周書等七十部四

曰霸史以紀偽朝國史趙書等二十七部五曰起

居注以紀人君動止穆天子傳等四十一部六曰舊

一千一百八十九卷

事以紀朝廷政令

漢武故事等二十部四百四卷

七曰職官以紀班序

品秩

漢官解詁等二十八部三百三十六卷

八曰儀注以紀吉凶行事

漢舊儀等

五十九部二千二十九卷

九曰刑法以紀律令格式

律令等三十五部七百一十二卷

十曰雜傳以紀先賢人物

三輔決錄等二百一十七部一千二百八十六卷

十一曰地理以紀山川郡國

山海經等一百三十九部一千四百三十三卷

十二曰譜系以紀氏族繼序

世本等四十一部三百六十卷

十三曰畧錄

以紀史策條目

七畧等三十部二百一十四卷

舊志史錄十三家八

百四十四部一萬七千九百四十六卷

唐南北史

見正史 晁氏志雜史

唐集史五家

志凡集史五家六部一千二百二十二卷

高峻以下不著錄三家四

百四十卷

梁武帝通史六百二卷李延壽南史八十卷又北

史一百卷

二家五部七百八十卷著錄之書也

高峻小史一百二十卷

劉氏洞史二十卷

權

姚康復統史三百卷

唐八十八家雜史

志史錄其類十三四曰雜史八十八家一百七部一千

八百二十八卷

古文瑣語至三國典畧夫姓名八家

不著錄六十八家

八百六十一卷

元行沖魏典至大和野史

舊志雜史一百二部凡

二千五百五十九卷

史氏流別

史通史氏流別其流十焉一曰偏記二曰小錄三曰逸

事四曰瑣言五曰郡書六曰家史七曰別傳八曰雜記

九曰地理十曰都邑簿若陸賈楚漢春秋樂資山陽公

載記王韶晉安紀姚梁後畧此之謂偏記戴逵竹林名
士王粲漢末英雄蕭世誠懷舊志盧子洪知己傳此之
謂小錄和嶠汲冢紀年葛洪西京雜記顧協瑣語卷一謝
綽拾遺此之謂逸事劉義慶世說卷十裴榮期語林卷十孔
思尚語錄楊松玠談藪此所謂瑣言圈稱陳留耆舊周
斐汝南先賢陳壽益部耆舊虞預會稽典錄此之謂郡
書揚雄家諜殷敬世傳孫氏譜記陸宗系譜此之謂家
史劉向列女梁鵠逸民趙采忠臣徐廣孝子此之謂列

傳祖台志怪千寶搜神劉義慶幽明劉敬叔異苑此之
謂雜記盛弘之荊州記常璩華陽國志辛氏三秦羅含
湘中此之謂地理潘岳關中陸機洛陽三輔黃圖建康
宮殿此之謂都邑簿

唐太宗勲史

志雜史吳兢太宗勲史一卷

崇文目同

書目劉餗國史異

纂三卷載齊梁以來雜事

唐六代略

志雜史李吉甫三十卷 會要吉甫嘗綴錄東漢魏晉
元魏周隋故事記其成敗損益大端目為六代略凡三
十卷 舊史元和八年二月辛卯宰相吉甫進

唐高氏小史

志一百二十卷高峻初六十卷其子迥釐益之峻元和
中人峻以歷代諸史鈔其要子迥分其卷第書目其書自天地未分至

唐文宗凡十三代分十例司馬遷史至陳隋書附以唐實錄纂其要

唐統史

志姚康復三百卷 會要大中五年十一月太子詹事

姚康復

舊紀止姚康

撰統史三百卷上之

獻帝王政纂十卷

統史自

開闢至隋末編年纂帝王美政善事詔令可列於時者必載至於時政鹽鐵榷鹽和糴賑貸錢陌兵數虛實儲糧用兵利害邊事戎狄無不備載下至釋道皆叙之

唐統載

冊府元龜貞元十三年韓潭進統載三十卷其書採虞夏以來至周隋錄其事跡善於始終者六百六十八人

為立傳

唐太和野史

志雜史公沙仲穆太和野史十卷起大和盡龍紀會
要龍紀中有處士沙仲穆纂野史十卷

唐國史補

志李肇國史補三卷

述開元至長慶事以補史氏之缺

林思補國史十

卷

崇文目六卷書目補國史六卷載德宗以後二十事其條目次第差互

崇文目高

若拙後史補三卷

書目同

唐逸史

志小說家高彥休闕史三卷盧子史錄

卷亡

又逸史三卷

大中時人

李隱大唐奇事記十卷 雜史類杜信史略三十

卷 崇文目雜史唐補紀三卷

唐三國典略

中興書目二十卷唐汾州司戶參軍丘悅撰自元魏分而為東西魏都關中後周因之東魏都鄴北齊因之梁陳則皆都江左悅之書首標西魏元而叙宇文泰按

崇文總目云以關中鄴都江左為三國起西魏終後周而東包東魏北齊南總梁陳凡三十篇今本二十一以下缺 舊史丘悅撰三國典略三十卷 隋志魏魚豢撰典略八十九卷 唐志魚豢魏略五十卷 魏吳志注魏略吳略

唐餘錄 唐載

寶元二年十一月戊子朔尚書刑部郎直集賢院王皞上六十卷詔獎諭 五代閏也故名唐餘錄 通鑑問亦來之 書目六十卷

王皞五代舊史旁採諸家小說倣裴松之國志附見

於注 梅堯臣奏所撰唐載二十六卷多補正舊史缺
謬

唐乘 五代史略

天聖五年十二月二十一日辛卯祕書監致仕胡旦上
唐乘七十卷五代史略四十三卷演聖通論七十二卷
將帥要略五十三卷詔以旦子彤為監簿景祐元年七
月壬辰又上續演聖論 王禹偁進五代史闕文一卷
凡十七篇 祥符中陶岳撰五代史補五卷百餘條本

云岳五代補錄五
卷得一百七事

唐志 五代紀

國史志雜史王汾唐志二十一卷孫冲五代紀七十七
卷史抄類賈昌朝通紀八十卷

五代開皇紀

天禧五年五月己丑太常博士鄭向

字公明

表進五代開

皇紀

書目作記

三十卷起梁訖周約八十萬言表言唐明宗

祈天願早生聖人是五代閏紫竇開皇朝也目曰開皇

宗文目編年類五代亂亡史冊多漏失向撫拾遺事頗有補焉

宋朝十史類要

十卷皇朝李安上自戰國迄五代撫其雜事以門類分次

景祐兩漢類記

四年二月辛亥都官郎中任弁上所著兩漢類記

治平唐宋遺史

書目唐宋遺史四卷治平四年詹玠撰唐機要三十卷
劉直方撰唐書冗者刪闕者補重編史雋三十卷蓋君
平撰初唐鄭暉著史雋十卷君平惜其漏畧廣為三十
卷

治平十國志

真宗時知制誥路振采五代僭偽吳楊行唐李昇前蜀王建

後蜀

孟知祥

南漢

劉隱

北漢

劉崇

閩

王潮

楚

馬殷

吳越

錢鏐

行事撰九國志

以擬崔鴻十六國春秋

為世家列傳四十九卷

振

字

子發永
州人

其孫綸又增高氏季興為十國志治平元年六月

辛酉

十一日

綸上之詔付史館

九國志五十卷增荆南高氏實十國也 晁氏志云

九國志五
十一卷

張唐英補為北楚書二卷合五十一卷唐英

蜀檇杭十卷

云外史檇杭路振書未備今成此書以補其遺

路振祥符初

使契丹撰乘軺錄一卷以獻

開寶中詔湯悅徐鉉撰

江南錄

十卷

陳彭年別錄四卷

太平興國五年八月甲

戌以孟瑜為固始主簿瑜長沙人嘗著野史三十卷石

熙載言於上而有是命

錢儼吳越備史十五卷備史

遺事五卷

紹興通志 二十畧

紹興二十八年二月乙巳鄭樵召對授迪功郎其所著
通志令有司給札寫進通志二百卷樵以歷代史冊及
采他書上自三皇下迄隋代通為一書倣遷固體為本
紀列傳而改表為譜改志為略 鄭樵通志總序總天
下之大學術條其綱目名之曰略凡二十畧生民之本
在於姓氏男子稱氏以別貴賤女子稱姓以別婚姻臣

今所推有三十二類故作氏族畧書契之本見於文字
獨體為文合體為字文有子母主類為母從類為子故
作六書畧字書眼學韻書耳學母主形子主聲故作七
音畧天文志有義無象今取丹元子步天歌句中有圖
言下成象故作天文畧準禹貢之書而理川源本開元
十道圖以續今古故作地理畧梁汴四朝舊都為痛定
之戒南陽中原新宅為無疆之基故作都邑畧削去曲
說作謚畧制器尚象作器服畧樂府正聲以明風雅祀

享正聲以明頌以琴操明絲竹以遺聲準逸詩作樂畧
書籍散亡由編次無紀作藝文畧校讎之司未聞其法
作校讎畧圖成經書成緯一經一緯錯綜成文古之學
者左圖右書即圖以求易即書而求難乃立為二記曰
記有記無作圖譜畧方冊者古人之言語款識者古人
之面貌作金石畧削去五行作災祥畧參載籍明品彙
作昆蟲草木畧凡十五畧禮畧以敘五禮職官畧以秩
出臣胸臆百官選舉畧言掄材之方刑法畧言用刑之術食貨畧

言財貨之源流

五畧雖本前人之
典亦非諸史之大

古者記事之史謂之

志太史公更志為記今謂之志本其舊也桓君山曰太
史三代世表旁行邪上並効周譜今復表為譜自春秋
之前稱世謂之世譜春秋之後稱年謂之年譜二十畧
不用舊史之大紀傳即舊文損益唐書五代史皆本朝
大臣所修非微臣所敢議故紀傳訖隋若禮樂刑政務
存因革故引而至唐云

紹興鮑氏國策

十卷紹興中鮑彪編自劉向校定戰國策為三十三卷

彪升其第二卷為首又自更定訓釋

見前戰國策

慶元續後漢書

慶元間吉州布衣蕭常起昭烈章武元年辛丑盡少帝

炎興元年癸未為四十二卷

帝紀年表各二卷列傳十八卷吳載記十一卷魏載

記九卷

吳魏君臣並為載記列于後

外有音義四卷周必大為序開禧

中李杞改修三國志六十七卷尊昭烈後主為漢紀魏

吳次之復有義例年譜各一卷

編年

穀梁傳曰春秋編年四時具而後為年上尊天時紀
正人事司馬遷為紀傳表志之體其後史官悉用其
法晉荀悅為漢紀復編年之體後世作者皆正史並
行

太古以來年紀

漢志春秋家二篇

禹本紀

史記大宛傳禹本紀言河出崑崙崑崙其高二千五百餘里日月所相避隱為光明也其上有醴泉瑤池今自張騫使大夏之後窮河源惡睹本紀所謂崑崙者乎

天子

案古圖書名河所出山曰崑崙

故言九州山川尚書近之矣至禹本紀

山海經所有怪物余不敢言之也

班固作張騫傳贊同

水經崑

崙墟在西北去嵩高五萬里地之中也注禹本紀與此同

楚漢春秋

漢志春秋家九篇陸賈所記

索隱曰記項氏與漢高祖起及惠文間事

隋

志雜記九卷

唐志同

太史公述楚漢春秋接其後事禮樂

志注師古引楚漢春秋高祖之臣別有絳灌文選注引

楚漢春秋

漢世經

律歷志世經首取郟子之論官名稽之於易包羲神農
黃帝相繼之世可知因祭典而得共工氏之事因考德
而得少昊之事因春秋外傳而得顓頊帝嚳之事因帝

系而得堯舜禹湯之事以至因著紀而得漢之事因漢志而推太歲之名論春秋戰國秦漢多及殷歷太昊首德始於木共工水德周人舉其行序炎帝火德黃帝土德少昊金德顓頊水德高辛木德堯火德舜土德禹金湯水武王木漢繼周木生火為火德與夫歲辰之所在統章之所至繼世之多寡載祀修短莫不見焉

漢大年紀

志春秋家五篇

高祖文帝武帝紀臣瓚注
引漢帝年紀蓋即此書

漢紀

荀悅傳建安三年帝好典籍以班固書文繁難省令祕書監悅依左氏傳體為漢紀三十篇詔尚書給筆札辭約事詳論辯多美序曰夫立典有五志焉一達道義二章法式三通古今四著功勲五表賢能漢四百有六載撥亂反正統武興文聖上惟文之恤命立國典於是綴序舊書以述漢紀中興以前明主賢臣得失之軌足以觀矣又著崇德正論及諸論數十篇唐志編年類荀

悅漢紀三十卷

書目同

應劭等注

卷同

崔浩音義三卷

漢紀本凡

七萬二千四百三十二字王莽一萬字書奏之歲歲在庚辰文中子曰荀悅史乎

唐太宗

賜李大亮曰悅此書敘致簡要議論深博極為政之體

盡君臣之義

書目凡漢紀其稱年本紀表志傳者史

家本語也其稱論者悅所論粗表其大事以參得失也

晉袁宏傳宏字彥伯撰漢紀三十卷

隋唐志同

書目晉

東陽太守袁宏以後漢書煩穢又謝承華嶠諸家錯謬同異無所取正惟張璠紀言漢末事差詳故採而益之

比諸家號為精密 袁宏後漢紀序曰擬謝承司馬彪

華嶠謝沈書漢山陽公記

樂資十卷

漢靈獻起居注

獻帝五卷

漢

名臣奏旁及諸郡耆舊先賢傳凡數百卷班固源流周

瞻然因藉史遷無所甄明荀悅才智經綸足為嘉史然

名教之本帝王高義韞而未敘今因前代遺事畧舉義

教所歸

悅在班固之後宏在范曄之前

唐志侯瑾漢皇德紀二十卷

張璠後漢紀三十卷張緬後漢畧二十七卷劉艾漢靈

獻二帝紀六卷袁晔漢獻帝春秋十卷

並編年

張瑩漢南

紀五十八卷

正史

藝文類聚引薛瑩漢紀

漢皇德紀

見傳類

帝王要畧

見雜史

漢表

唐志雜史袁希之漢表十卷韓祐續古今人表十卷開元十七年上授太常大祝 史記漢興以來將相名臣

年表以大事為主所以觀君臣之職分也如高帝元年大事記沛公為漢王之南鄭還定雍而相位書蕭何守漢中御史大夫位書周苛守滎陽班氏所書止於公卿拜罷月日削去大事不記 司馬子長年表劉杳謂得法於周譜崔鴻亦倣其義例為十六國春秋

晉竹書紀年 古文官書

束皙傳初太康二年汲郡人不準盜發魏襄王墓或言

安釐王冢得竹書數十車其紀年十三篇記夏以來至周幽王仍述魏事至安釐王之二十年蓋魏國之史書大畧與春秋多相應其中經傳大異則云夏年多殷益千啟位太甲殺伊尹自周受命至穆王百年共伯和攝行天子事其易經二篇與周易上下經同易繇陰陽卦二篇與周易畧同繇辭則異卦下易經一篇似說卦而異公孫段二篇段與邵陟論易國語三篇言楚晉事名三篇似禮記又似爾雅論語師春一篇書左傳諸卜筮

師春似是造書者姓名瑣語十一篇諸國卜夢妖怪相
書也梁丘藏一篇先敘魏之世數次言丘藏金玉事繳
書二篇論弋射法生封一篇帝王所封大厯二篇鄒子
談天類也穆天子傳五篇言周穆王游行四海見帝臺
西王母圖詩一篇畫贊之屬也又雜書十九篇周食田
法周書論楚事周穆王美人盛姬事大凡七十五篇七
篇簡書折壞不識名題冢中又得銅劍一枚長二尺五
寸漆書皆科斗字文既殘缺不復詮次武帝以其書付

必書校綴次第尋考指歸以今文寫之皆在著作得觀

竹書隨疑分釋皆有義證

晉紀咸寧五年冬十月汲郡人不準得竹簡小篆古事十

餘萬言
藏秘府

衛恒傳太康元年汲縣人得策書十餘萬言

案敬侯所書猶有髣髴古書亦有數種其一卷論楚事

者最為工妙王接傳時祕書丞衛恒考正汲冢書未

訖佐著作郎束皙述而成之事多證異義時東萊太守

王庭堅難之亦有義據皙又釋難接遂詳其得失

續咸著汲

冢古文
釋十卷

荀勗傳汲冢中得古文竹書詔勗次之以

為中經列在秘書

荀勗穆天子傳敘云太康二年太公
碑同穆天子傳目錄云傳贊為校

書郎中與
勗同校定

隋志紀年十一卷汲冢書并竹書同異一

卷

古史三十四部六百
六十六卷始千紀年

又雜史有古文璣語四卷汲冢書

晉太康元年汲郡人發魏襄王冢

一云安釐王

得古竹簡書

字皆科斗帝命中書監荀勗令和嶠撰次為十五部八

十七卷

唐志紀年十四卷

崇文目不著錄
目止有第四第六及雜事

中興書

三卷下皆標云荀氏敘錄一紀
年二紀今應三雜事皆殘缺

杜預左傳後序太康

元年三月云云汲郡得古書科斗書久廢不能盡通所

記大凡七十五卷多雜碎怪妄不可訓知周易及紀年

最為分了

周易上下篇與今同

紀年起自夏殷周皆三代王事無

諸國別唯特記晉國起自殤叔次文侯昭侯至曲沃莊

伯

莊伯十一年十一月
魯隱元年正月也

皆用夏正建寅之月為歲首編

年相次晉國滅獨記魏事下至魏哀王之二十年謂之

今王蓋魏國之史記也文意大似春秋經足見古者國

史策書之常也所記多與左傳符同又稱殷仲壬即位

居亳亦當時雜記

王隱晉書束皙傳太康元年汲郡

得竹書漆字科斗之文

周時古文也

大凡七十五卷晉書有

其目錄其六十八卷皆有名題其七卷折簡碎雜不可

名題有周易上下經二卷紀年十二卷瑣語十一卷周

王遊行五卷說穆王遊行天下之事今謂之穆天子傳

此四部差為整頓詔荀勗和嶠以隸字寫之 史通凡

此數事語異正經此書近出世人多不信也

竹書說伊尹之事與

書序大非

唐劉勰以竹書紀年序諸侯列會皆舉謚後人

追脩非當時正史如齊人殲于遂鄭棄其師皆孔子新

意師春一篇錄卜筮事與左氏合知按春秋經傳而為也
也因著外傳云中興書目汲冢師春一卷案杜預云
純集疏左氏傳卜筮事今雜敘諸國世系及律呂謚法
末載變卦雜事嘉祐中蘇洵編定六家謚法其表謂采
汲冢師春者即此書所載謚法云 顏之推云汲冢瑣
語乃載秦望碑非本文也 書正義汲冢古文云盤庚
自奄遷於殷紀年云殷仲壬即位居亳 左傳攜王正
義引汲冢書紀年云云東哲云案左傳云云 水經注

多引竹書紀年

前漢地里注臣瓚引汲郡古文

梁惠王發

逢忌之數以賜民
康居卽尋禹居陽城

後東夷傳注竹書紀年曰后

芬三年九夷來御

吳都賦注引汲郡地中古文冊書

史記正義引竹書紀年

韓愈黃陵廟碑引竹書紀

年齊文惠太子鎮雍州有盜發楚王

獲竹簡書青絲

綸簡廣數分長二尺王僧虔曰是科斗書考工記

晉帝王世紀

皇甫謐傳謚以著述為務自號玄晏先生撰帝王世紀

年歷高士逸士烈女等傳玄晏春秋並重於世 書目

晉正始初安定皇甫謐撰以漢紀殘缺始博案經傳旁

觀百家著帝王世紀并年歷合十二篇起太昊帝迄漢

獻帝 隋志皇甫謐十卷

起三皇
盡漢魏

何茂林續帝王世紀

十卷虞綽音四卷陽暉華夷帝王世紀三十卷甄鸞帝

王世錄一卷姚恭年歷帝紀三十卷 唐志雜史皇甫

謐帝王世紀十卷

中興書目九卷
關周中一卷

又年歷六卷何茂林

帝王代紀十六卷歷紀十卷姚恭年歷帝紀二十六卷

代譜四十八卷

周武帝
勅撰

諸葛亮帝錄十卷 盧元福帝王

編年錄五十一卷 共和以來甲乙紀年二卷

並雜
史

春

秋緯開闢至獲麟凡三百二十七萬六千歲分為十紀

大率一紀二十七萬六千年

一云凡世七
萬六百年

小司馬氏

補三皇本紀引帝王世紀及徐整三五歷

唐志三五
歷紀二卷

鄭康成六藝論遂皇之後歷六紀九十一代至伏羲始

作十二言之教

漢晉春秋

晉習鑿齒傳桓溫覬覦非望鑿齒著漢晉春秋以裁正
之起漢光武終於晉愍帝於三國之時蜀以宗室為正
魏武雖受漢禪晉尚為篡逆至文帝平蜀乃為漢亡而
晉始興焉凡五十四卷

唐志卷同

又上疏謂晉宜越魏繼漢

不應以魏後為三恪謹著論曰若以魏有代王之德則
其道不足有靖亂之功則孫劉鼎立道不足則不可謂
制當年當年不制於魏則魏未曾為天下之主王道不
足於曹則曹未始為一日之王自漢末鼎沸五六十年

吳魏犯順而彊蜀人杖正而弱三家不能相一萬姓曠
而無主夫有定天下之大功為天下之所推孰如見推
於闇人受尊於微弱配天而為帝方駕於三代故舊之
恩可封魏後三恪之數不宜見列以晉承漢功實顯然
又何為虛尊不正之魏而虧我於大通哉 隋志習鑿
齒漢晉陽秋四十七卷孔舒元衍漢魏春秋九卷
漢書注計書先上太史公副上丞相記事如古春秋
叙傳序春秋考紀表志傳凡百篇 王命論垂策書於

春秋師古曰史書記事之總稱 光武紀注范曄序例
云帝紀畧依春秋

唐四十一家編年

志史錄編年類四十一家四十八部九百四十七卷失
姓名四家始於汲冢書紀年終於張大素隋後畧漢有
荀悅侯瑾張璠袁宏張緬劉艾袁晔樂資習鑿齒之書
而應劭崔浩漢紀音注附焉魏吳晉有孫盛魏澹梁祚
環濟陸機干寶劉謙之曹嘉之徐廣鄧粲檀道鸞蕭景

暢郭季產杜廷業之書而劉協注晉紀附焉宋齊梁北齊
隋有王智深裴子野鮑衡卿王琰沈約吳均謝吳劉瑤何
之元蕭韶姚勗王劼趙毅張大素之書而臧嚴栖鳳春秋
附焉失姓名者汲冢紀年魏武本紀皇帝紀梁末代記四
家不著錄者柳芳唐厯以下及韋渙吳兢韋述陸長源陳
嶽焦璐李仁實馬總王起黃台符賈欽文曹圭張敦素劉
軻封演韋美柳璨之書終於李匡文漢至唐年紀凡十九家
三百五十五卷 隋志謂之古史自紀年至齊志三十四

部六百六十六卷 景德二年龍圖閣書目編年一千一

十三卷 崇文總目三十八部五百七十九卷 中興目

六十二家一千三百二十卷 續目十一家四百十七卷

皇甫湜編年紀傳論合聖人之經者以心不以跡得良史

之體者在適不在同

唐編紀 周書

李至遠傳

素立之孫

少秀悟能治尚書左氏春秋未見杜預

釋例而作編紀

一作記

大趣略同復撰周書起后稷至赧

王為傳紀令狐德棻許其良史

高宗時

唐編年傳

蕭穎士傳嘗謂仲尼作春秋為百王不易法而司馬遷作本紀書表世家列傳敘事依違失褒貶體不足以訓乃起漢元年訖隋義寧編年依春秋義類為傳百篇在魏書高貴鄉薨曰司馬昭弒帝于南闕在梁書陳受禪曰陳霸先反又自以梁支孫而宣帝逆取順守故武帝得血食三紀昔曲沃篡晉而文公為伯仲尼弗貶也乃

黜陳閔隋以唐土德承梁火德皆自斷諸儒不與論也

有太原王緒者僧辨裔孫謨永寧公輔梁書

卷十黜陳

不帝潁士佐之亦著梁蕭史譜

卷二十

及作梁不禪陳

論以發義例使光明云 李華三賢論曰潁士尤罪子

長不編年而為列傳後世因之非典訓也自春秋三家

後非訓齊生人不錄

唐續春秋

詳見續春秋

裴光庭傳開元中光庭拜侍中兼弘文館學士又引壽

安丞李融拾遺張琪著佐司馬利賓直弘文館撰續春

秋經傳

約周公舊規
依仲尼新例

自戰國訖隋

上自周敬
下至有隋

請天子修

經光庭作傳書久不就

冊府元龜開元二十年三月

丁卯奏

唐歷

續唐歷

柳芳傳肅宗詔芳與韋述綴吳兢所次國史上元中坐
事徙黔中時高力士亦貶巫州因從力士質開元天寶
及禁中事具識本末時國史已送官不可追刊乃推衍

義類做編年法為唐歷四十篇頗有異聞然不立褒貶

義例為諸儒譏訕

李德裕奏芳子冕以力士之說為先臣言之退上一十七事為次柳氏舊

聞一

蔣偕傳初柳芳作唐歷大歷以後闕而不錄宣

宗詔崔龜從韋澳李荀張彥遠及偕等分年撰次盡元

和以續云 志柳芳唐歷四十卷續唐歷二十二卷韋

澳蔣偕李荀張彥遠崔瑄撰崔龜從監修 會要大中

五年七月宰臣監修崔龜從等撰續唐歷二十卷

舊紀二十

卷二

中興書目柳芳撰唐歷起隋義寧元年盡大歷十

三年八月

崇文目唐歷四十卷目錄一
卷氏志云敘制度為詳

初芳次國史興

高祖訖乾元凡百三十篇叙天寶後事弃取不倫

後同本傳

後崔鉉續修之未就宣宗大中間命崔龜從起大歷十三年春盡元和十五年凡二十二卷

唐日曆

會要永貞元年九月壬申

憲宗初立

監修韋執誼奏皇王大

典寶存簡冊自頃史官修撰皆於私家紀錄望令修撰

官各撰日

凡至月終即於館中都會詳定是非除已

成實錄撰進宣下者其餘見修日歷並不得私家置本

從之 蔣又傳父將明肅宗擢集賢殿學士又貞元中

修撰子係大中二年史館修撰伸偕亦修撰傳曰蔣氏

三世踵修國史稱良筆咸云蔣氏日歷天下多藏焉

此日

歷所從起也

中興書目有天祐日歷一卷歐陽修曰書雖

不全然唐之遺文也 朱子曰歷數者帝王相繼之次

第猶日歷明氣節之先後 後漢公卿有所撰述始集

公府乃上蘭臺唐制專命大臣纂錄時政季送史館蓋

獻替之語非禁近莫得而聞傳信之辭非史官莫得而預事大體重實相關焉

唐通歷

志馬總十卷編年類

本傳著集年歷通歷

書目唐馬總撰

朝議郎守

泉州別駕起天皇氏總以史籍繁蕪故上索三墳中稽五典

迄于隋季為十卷今存

人云貫寶歷於聖唐是曰通歷前進士齊推序

自十

一卷起唐高祖者即孫光憲所續也光憲皇朝人作續通歷十卷起唐高祖止閩王審知今附於通歷後者唯

五卷爾通歷一書大抵簡畧首紀三皇尤詭誕不經與
司馬貞補史記所言無異隨事間有論著謂文帝庶幾
於王道而景帝之擬成康則有慙德謂宣帝刑名圖霸
之王也而世以比光武非其倫也斯言當矣

總又有唐
年小錄六

卷載德宗
以前故事

晁氏志馬總通歷十卷纂太古十七氏中

古五帝三王及刪取秦漢三國晉十六國宋齊梁陳元
魏北齊後周隋世紀興滅粗述其君賢否取虞世南畧
論分系於末以見義焉孫光憲續十卷輯唐洎五代事

以續馬總歷參以黃巢李茂貞劉守光阿保機吳唐閩
吳越兩蜀事迹太祖朝詔毀其書以其所紀多非實也

志李仁實通歷七卷

編年

徐整通歷二卷三五歷紀二卷通

歷二卷雜歷五卷孔衍國志歷五卷長歷十四卷

雜史賈

欽文古今年代歷一卷

大中時人編年

劉軻帝王歷數詩一

卷

元和末

司馬光通歷八十卷

唐天祚長歷

柳璞傳

仲鄆子終著作郎

著春秋三氏異同義又述天祚長歷

斷自漢武帝紀元為編年以大政大祥異侵叛戰伐隨著之閏位者附見其左嘗謂杜征南春秋後序述紀甲歷為得實自餘史家皆差蔣係以為然 志柳璞正閏

位歷三卷又黃台符古今通要四卷

宣懿時人

唐統紀

志陳嶽唐統紀一百卷

崇文目同

中興書目檢校尚書屯

田員外郎陳嶽撰以荀悅袁宏有漢紀遂為大唐統紀

起武德盡長慶末凡十三朝成一百卷用春秋例間著

論云

唐大統紀

文粹陳鴻修大統紀三十卷正統年代隨甲子紀年

以世

本尚書春秋緯書及諸史為據

絕筆於元和六年辛卯上推至炎帝元

年癸未凡三千六百九年

唐三國春秋

志雜史崔良佐卷亡員半千二十卷

建隆龍飛日曆

一卷趙普記顯德七年正月藝祖受禪事是年改元建隆三月普撰此書普時為樞密學士

開寶日曆

又見時政記

開寶七年閏十月庚申判史館扈蒙言唐文宗開延英大臣論事命舍人執筆螭頭以記時政唐明宗命端明樞密二學士修日曆

顯德元年十月修明宗之制

近此事皆廢宜命

宰輔每日紀錄詔參政多遜典其事雍熙四年九月直史館胡旦言建隆至今日曆不備詔於史館西廡修之

淳化四年翰林學士修國史宋湜修日曆

尋罷

乾興元年

五月丁丑詔先朝日曆起居注未上者亟修纂乙酉火

館請權於宣徽院修日曆十一月修撰李維宋綬言先

朝日曆自祥符元年已後未纂輯甲戌遂命館閣儒臣

王舉正李淑為史館編修慶曆中張方平兼修撰自乾

興至慶曆日曆以屬之粲然復全歐陽修言錄本進呈

事有諱避史官雖欲書而不敢書

請更不進本

書目有周

顯德日曆一卷六年夏扈蒙秋董淳冬賈黃中

舊制以宰相監修國史修撰直館檢討無常員輯時政

記起居注撰日厯

繫以日月

置編修院于門下省元豐四年

總于史館官制正名屬秘書省國史案六年三月己卯詔

長貳毋得與著作修纂日厯事七年十一月己亥詔記

注及諸司文書皆送著作八年命曾肇林希兼著作元

祐五年十一月置局名曰國史院隸門下省紹聖二年

詔日厯還祕省 紹興元年四月置修日厯所七月命

秘書長貳通修纂日厯

初元豐六年之制長貳不與今從少監程俱請

三年六

月左相呂頤浩兼提舉修國史時修日曆張綱言秘省
權輕難以取會又孫近言景德二年王旦為相領史職
請宰輔提舉故有是命八月又詔郎佐以郎官兼領十
年二月併歸國史案以著作郎佐修纂遇修正史實錄
即置國史實錄院見修日曆宰相提舉以監修國史繫
銜乾道二年十二月修成欽宗日曆七十五卷詔免進
呈

開寶歷代紀要

崇文目雜家開寶五年四月癸卯參知政事劉熙古進
五十卷詔褒之 本傳嘗集古今事跡為歷代紀要五
十卷 賈昌朝通紀八十卷

當
致

景德甲子編年歷

中興書目二卷

寶錄
三卷

直史館劉蒙叟撰採其父熙古所

著皇王紀要及古今帝王年代歷別為五運甲子編年

歷三卷自唐堯起庚子至太祖建隆元年庚申

凡三千
三百十

年二首尾無誤以自唐堯以上至黃帝逐代皆有子孫其

所書元年甲子及在位年數不可攷故也景德中上之
蒙叟字道民宋州人

天聖漢春秋 嘉祐唐史記 唐紀

天聖元年十月十六日中書門下言胡旦先撰漢春秋

一百卷久未進入詔令本州遞進

淳化五年旦言臣參兩漢君臣事跡得魯

史之例著為春秋凡百篇帝曰旦棄臆出習聽豈得容易流傳

二年二月癸亥州以旦

書上進上稱歎之以秘書監致仕

命一子為京官

初旦上所撰

漢春秋一百卷上因問旦著書本末宰臣王欽若曰旦

太宗朝進士第一人詞學精博嘗謂三代之後唯漢得
正統因四百年行事立褒貶著此書以儆春秋上稱歎
故有是命

一云三年九月

實錄祥符三年十二月丙寅襄州

言通判司封外郎胡旦撰漢春秋百篇詔給札錄進

初旦

斷大硯方五六尺既而埋之旦刻曰胡旦修漢春秋硯云

天章閣侍講孫甫據實

錄與書兼採諸家著錄參驗不差足傳信者修為唐史
記舊史文繁者刪之失者改之意不足而有他證者補
之事之不要者去之要而遺者增之是非不明者正之

用編年之體以序君臣之事其體略與寶錄相類自康

定元年修是書至皇祐四年草具遂作序述其意逮嘉

祐元年成七十五卷論九十二首

文彥博從甫借之不以與但錄姚崇宋璟論

以與之

陳彭年以班固謝承為漢書而荀悅袁宏為紀

虞預王隱為晉書而干寶為紀唐文物憲章可述獨缺

編年之史乃次新書定為唐紀四十篇三十萬言

言目四十

卷起高祖
訖哀帝

劉直方修大唐機要三十卷刪冗補遺

景祐五朝春秋

五代
紀

三年七月丁亥工部郎中王軫直秘閣軫上五朝春秋

二十五卷

託始於吳越

特擢之庚寅集賢院學士孫冲上五

代紀七十七卷詔獎諭

慶厯紀年通譜

見改元

七年六月九日丁亥參政宋庠上所撰紀年通譜庠取

十七代正史并百家雜說凡正偽年號成一書詔送史

館中興書目十二卷

紀年通譜自漢文帝後元戊

寅止周恭帝顯德庚申為九篇以本朝建隆之元至慶

歷辛巳為一篇皆曰統元以甲子貫之有五號曰正閏
偽賊蠻夷以王莽十九年繫孺子更始以接建武東魏
十七年附西魏豫王六年天后十五年繫中宗緒神龍
朱梁十六年通濟陰天祐續同光據晉恭帝禪宋之歲
對魏明元泰常五年尊北降南始主正朔乃通譜之新
意也別二篇舉字為類各部分為類元 畢仲荀續一
卷起慶歷壬午迄徽宗 易緯稽覽圖甲寅伏羲氏至
無懷氏五萬七千八百八十二年神農五百四十年黃

帝一千五百二十年少昊四百年顓頊五百年帝嚳三百五十年堯一百舜五十年禹四百三十一年殷四百九十六年周八百六十七年秦五十年已上六萬三千六百一十三年庚戌年四百九十一年算上右總六萬四千一百三年相基加二年 皇極經世三四二卷列世數與歲甲子下紀帝堯至于五代歷年表以見天下離合治亂之迹以天時而驗人事五六二卷列世數與歲甲子下紀自帝堯至五代書

傳所載興廢治亂得失邪正之迹以人事而驗天時三
皇春也五帝夏也三王秋也五伯冬也七國冬之餘冽
也漢王而不足晉伯而有餘三國伯之雄者也十六國
伯之叢者也南五代伯之借乘也北五代伯之傳舍也
隋晉之子也唐漢之弟也隋季諸郡之伯江漢之餘波
也唐季諸鎮之伯日月之餘光也後五代之伯日未出

之星也

甲辰堯肇位於平陽堯舜其猶夏之將至日之向中乎

治平資治通鑑

編年通志

目錄

考異

外紀

舉要歷

紀事本末

綱目

見後

卷四十七

治平三年四月辛丑命龍圖直學士侍讀司馬光編集
歷代君臣事迹初光患歷代史繁重學者不能綜況於
人主欲上自戰國下迄五季正史之外旁采他書關國
家興衰係民生休戚善可為法惡可為戒者依左氏傳
體為編年一書名曰通志因春秋編年之體
倣荀悅簡要之文遂約戰國
至秦二世為八卷以進英宗悅之命續其書置局秘閣
以劉恕趙君錫同修後以劉放代君錫
又范祖禹同
修表云於崇文院置局許借龍

國天章閣三館秘閣書
籍賜以御府筆墨繒帛

四年十月己酉初御通英甲寅

九初進讀賜名資治通鑑神宗親製序而賜光

令候書成寫入

又賜穎卽舊書二十四百二卷

序曰光之志以為威烈王命韓趙魏為諸

侯周雖未滅王制盡矣此亦古人述作造端立意之所
繇也其所載明君良臣切摩治道議論之精語德刑之
善制天人相與之際休咎庶證之原威福盛衰之本規
模利害之効良將之方畧循吏之條教斷以邪正要於
治忽辭令淵厚之體箴諫深切之義良謂備焉凡十六

代博而得其要簡而周於事是亦典刑之總會冊讀之

淵林矣

表云寵以冠序錫之嘉名每開經筵常令進讀元豐元年十月光奏子康為檢閱文字從之

熙寧元年二月十一日又進讀移刻乃罷一本云二年詔光進讀於過英

元豐七年十二

月戊辰

或云十一月進呈

書成二百九十四卷上起戰國下終

五代凡一千三百六十二年又畧舉事目年經國緯為

目錄三十卷參考羣書評其同異俾歸一塗為考異三

十卷合三百五十四卷自治平開局迄今始成凡十九

年

表云西京留司御史臺及提舉崇福宮前後六任聽以書局自隨

詔書獎諭賜銀帛

衣帶鞍馬

每編始末識以睿思寶章

上諭輔臣曰前代未嘗有此書

過荀悅漢紀遠矣以光為資政殿學士輔臣請觀之遂

命付三省 光編集通鑑既成撮精要之語為目錄三

十卷晚病目錄太簡更著舉要歷八十卷而未成

紹興初資

政學士臣克家上之書目八十卷

光又著歷年圖七卷通歷八十卷稽

古錄二卷

劉恕作外紀十卷恕謂光為歷代書而不

及周威烈王之前以包義至末命三晉為諸侯可為前

紀本朝一祖四宗一百八年可為後紀及恕病廢絕意

於後紀乃更前紀為外紀猶春秋外傳之義又有目錄

三卷起包義訖周威烈王二十二年

起三皇止周共和載其世次而已起

共和庚申至威烈王二十二年丁丑四百三十八年為一編

通鑑問疑一卷劉恕

子義仲記恕議論及問荅之語 通鑑釋文三十卷史炤

紹興三十一年上 前例一卷乾道間光曾孫伋分類

三十六例為前例又為四圖 紀事本末四十二

卷袁樞編淳熙三年十一月二十四日參政龔茂

良言袁樞編通鑑紀事有補治道或取以賜東宮

增益見聞詔嚴州摹印十部仍先以御本上之

淳熙

元年三月戊子楊萬里為序始於三家分晉終於世宗征淮南

陳傅良續通

鑑節要十卷

張栻通鑑篤論

司馬康曰資治

通鑑之成書蓋得人焉史記前後漢則劉貢父攷

自三國歷七朝而隋則劉道原恕唐訖五代則范

純甫

祖禹

此三公者天下之豪英也我公以純誠粹

識不懈晝夜久乃成就之其在正史外而有以博約之

楚漢事則司馬彪荀悅袁宏南北朝則崔鴻十六國春

秋蕭方等三十國春秋李延壽書雖無表志而可觀太清記亦時有足採者建康寶錄猶檜而下無譏焉唐以來稗官野史暨夫百家譜錄正集別集墓誌碑碣行狀別傳幸多存而不敢少忽也要是柳芳唐歷為最可喜

歷年圖

司馬光讀史患其文繁事廣不能得其綱要又諸國分列歲時先後參差不齊乃采共和以來訖五代畧記國家興衰大迹集為五圖每圖為五重每重為六十行每

行記一年之事其年取一國為主而以朱書他國元年
綴於其下凡一千八百年曰厯年圖 劉攽編年紀事
十一卷

治平補日厯

四年六月癸酉監修韓琦乞差實錄檢討陳繹同補未
修日厯從之

熙寧百官公卿表 紹興續百官公卿表

見官制 紹興二十九年七月十七日戊戌史院言知

成都雙流縣李燾有續皇朝百官公卿表一百十二卷

內九十卷係
私自編纂

乞給札抄錄從之

蔡幼學亦為續公卿

百官表年歷大事記備志辨疑編年政要列傳舉要等百
餘篇表凡二十卷質疑十卷自治平訖紹興五年

熙寧編年通載

書目十卷熙寧間起居舍人兼判史館章衡撰其序云
修史者十一人事訛舛因編歷代帝系名年始自唐虞
至於治平四年總三千四百年大率編年之例首國號

廟謚以表元繫日月以記事以便觀採

七年八月十一日延和殿進呈

賜三品服

晁氏志編歷代年號貫以甲子凡繫於存亡綱

紀之大者無不詳錄且刊正謬誤如史記載舜年虞書不同漢紀載魏受禪與魏志受禪壇碑各異之類

皇朝十國紀年 疑年譜

書目秘書丞劉恕撰記五代僭偽吳唐前後蜀吳越閩漢楚荆南北漢十國君臣事迹本四十二卷今存止四十卷恕又有疑年譜一卷恕謂先儒敘包羲女媧下逮

三代享國之歲惟大庭至無懷氏無年而有總數及後世計堯舜之年衆說不同三統歷次夏商西周與汲冢紀年及商歷差異故載周厲王以前三千五百一十九年為譜 晁氏志十國紀年四十二卷長於考異同而拙於屬文

高宗日曆 建炎中興日曆 紹興修日曆

紹興元年四月甲戌日詔修日曆用程俱請也

以日曆所為名

七月九日詔長貳通修纂二年二月丙戌初置著作官

二員編次日歷自渡江無史官至是沈與求以為請三年九日戊寅正字陳祖言請修建炎以來日歷從之六月庚戌左相頤浩提舉修國史時未有日歷始命大臣典領二年十月甲辰詔汪伯彥董耘梁揚祖耿延禧高世則編類元帥府事蹟以付史館用著作虞澤請也其後悉以書聞六年四月戊戌朔史館修纂皇帝大元帥府事蹟十卷上之九年六月汪伯彥上建炎中興日歷五卷最備三十二年二月丙戌著佐張震言自建

災元年至紹興十二年日歷已成者五百九十卷多所舛誤而十二年以後迄今所修未成書者至八百三十餘草卷未得立傳者七百七人望令長貳同修纂內因故相所作時政記者並審訂修改從之 乾道七年汪大猷言太上日歷重修未備者十七年陛下龍飛七載而日歷所修未及一年望稍增史貲編修 淳熙三年祕書監李壽編次成一千卷三月三日戊申進呈辛亥恭進並如進聖政之制 淳祐八年祕省校讎繕寫上

之 紹興二年十一月壬午知湖州汪藻言太上淵聖
及建炎改元至今三十餘年並無日歷本朝宰相皆兼
史館故書榻前議論之辭則有時政記柱下見聞之實
則有起居注類而次之謂之日歷修而成之謂之實錄
望許臣編集元符庚辰至建炎已酉三十年間詔旨以
備修日歷官采擇許之凡六年乃成 一本云汪藻言太
上皇元符以來至
上建炎之元並無日歷上曰無以易藻尋知湖州領日
歷如故復命辟官屬二員書成凡八百冊上之賜茶藥
進官二等徵錄成
用藻所著為多

紹興歷代帝王年運銓要

書目十卷紹興初朱繪纂以歐陽修作正統圖黃帝五十六氏一切采錄乃起自伏羲政和間吳達撰帝王系譜一卷自兩漢迄顯德一千一百六十五載胡宏作皇王大紀八十卷

紹興孔子編年

書目胡仔撰

紹興初

起魯襄公二十二年訖哀公十六年

自孔子始生至卒凡七十三年五卷

孝宗日曆

紹興三十二年七月詔日曆所自三十一年六月十一日起修日曆既而淳熙五年閏六月有詔修纂至淳熙四年六月三月十八日上之成書一千一百五十五卷十六年二月己丑詔編類壽皇日曆成書朕當遵行之仰稱付託之意自淳熙五年正月續修止淳熙十六年二月一日進日曆二千卷己亥恭進

淳祐十一年祕省校讎補寫上之

十六日

進日曆二千卷己亥恭進

哀鸞臺時政之編合螭陞史臣之法 作春秋而因史
記為唐厯而倣編年 萃四七載之懿鑠為二十卷之
成書

乾道資治通鑑綱目

紹興八年胡安國因司馬光遺藁修成舉要補遺文約
而事備乾道壬辰朱熹因兩公之書別為義例為綱目
五十九卷

序例一卷

綱倣春秋而叅取羣史之長目倣左氏

而稽合諸儒之粹

綱者春秋著事之法
目者左氏備言之體

序例曰表歲以

首年

逐年之上行書其甲子遇甲字子字則
來書以別之雖無事依舉要以隔歲年而因年以

著統

凡正統之年歲下大書
非正統者兩行分注

大書以提要

凡大書有正
例變例正例

如始終興廢災祥沿革及號令征伐生殺除拜之大者
變例如不在此例而善可為法惡可為戒者皆特書之

而分注以備言

凡分注有追原其始者有遂言其終者
有詳陳其事者有備載其言者有因始

終而見者有因拜罷而見者有因事類而見者有因家
世而見者有溫公所立之言所取之論有胡氏所收之
說所著之評而兩公所遺與夫近世大儒
先生折衷之語今亦願采以附於其間歲周於上而

天道明統正於下而人道定大綱槩舉而鑒戒昭衆目

畢張而幾微著

乾道續資治通鑑長編舉要

乾道四年四月丙辰禮部郎李燾言臣於去年八月

會要

二十九日

奉旨從汪應辰奏取臣所著續資治通鑑自建隆

迄元符令有司繕寫校勘藏之祕閣臣尋於十四日賜對面奉旨令早投進又令給札臣先次寫到建隆元年至治平四年閏三月五朝事迹共一百八年計一百八卷內建隆元年至太平興國元年太祖一朝事迹雖曾於隆興元年具表投進後來稍有增益謹重錄進治平

以後文字更加整齊節次修寫臣此書非可便謂續資
治通鑑姑謂續資治通鑑長編庶幾可也其篇帙或相
倍蓰則長編之體當然寧失於繁猶光志云爾今寫成
一百七十五冊并目錄一冊上進五月壬戌朔詔燾纂
述有勞特轉兩官六年三月二日詔降下長編付秘書
省今依通鑑字樣大小繕寫仍將李燾銜位於卷首依司
馬光銜位修寫淳熙十年三月六日燾為遂寧守始上
其全書

會要云六百八十七冊
十年修撰上之

自建隆至靖康凡九百八

十卷

書目一百六十八卷建隆訖靖康

舉要六十八卷上甚重之以其

書藏秘府

先是淳熙二年二月二十二日進神哲三百四十冊四年七月五日進徽欽三百二十冊

燾以司馬光作資治通鑑唐三百年長編范祖禹掌之

祖禹所修六百餘卷光細刪之止八十卷故燾纂集用

光義例廣記備言以待後之作者燾又撰江左方鎮年

表十六卷自晉永嘉訖陳貞明以孫氏不能保淮李氏

不能踰浙又亡荆及巴蜀故削而不著 楊仲良為長

編紀事本末一百五十卷 熊克中興紀事本末一名

中興小歷

乾道丁未錄 淳熙國紀

乾道七年同修國史趙雄言右修職郎李丙嘗纂丁未錄起治平之末迄靖康之初其間議論更革徃徃編年該載乞給札繕寫八年六月戊戌

一云二日

詔李丙所錄一

百冊二百卷淹貫該博用功甚多特轉右承事郎

丙又撰丙

申吏部侍郎徐度著國紀百卷淳熙三年五月九日李

燾請給札下湖州抄錄赴國史院參照從之

淳熙大事記

通釋
解題

淳熙七年呂祖謙作大事記起周敬王三十九年汜漢
武征和三年采左傳稽古錄通鑑目錄舉要歷皇極經
世歷代史輯而廣之參稽百氏書法視太史公所錄不
盡用策書凡例 呂中皇朝大事記

淳熙九朝通略

十一年十二月四日知台州熊克上九朝通略一百六
十八卷冊一百 詔遷一官 倣通鑑之體作繫年之書一

載釐為一卷 簡要不如徐度之紀詳備不如李燾之
編

嘉泰光宗日歷 嘉定日歷

紹熙五年閏十月十六日著作郎王容等修太上皇帝
及今上日歷慶元六年二月二十二日上太上日歷三
百卷嘉泰二年十一月十四日秘書監曾喚等請再修
潤以光宗日歷為名十六日上今上日歷五百十卷嘉
定三年三月十三日右正言黃中請刊定初元日歷所

載龍飛事迹十四年五月九日上改正今上日曆五百
十卷淳祐二年上寧宗日曆 修日曆式少監程俱定
紹興三十二年少監陳之淵著佐張震復上建炎以
後日曆格乾道中著佐鄭伯熊以新舊格參立 進
則奉延英之對退而裁東觀之書事則親聞理期傳
信

嘉定建炎以來繫年要錄

李心傳撰一百卷嘉定五年五月付國史院


國朝編年政要

蔡幼學四十卷起建隆止靖康紀政事大畧其體皆編年法惟每歲先列宰執拜罷為異又國朝寶錄列傳舉要十二卷起國初止神宗 陳均皇朝編年備要三十

卷

依朱文公綱目義例據事實錄不敢盡同其書法

徐自明宰輔編年錄



玉海卷四十七

欽定四庫全書

子部
玉海卷四十八

詳校官給事中臣查善長

主事臣祁韻士覆勘

總校官進士臣朱 鈐

校對官編修臣馬啟泰

謄錄監生臣慕湘文

欽定四庫全書

王
海卷四十八

宋 王應麟 撰

藝文

寶錄

寶錄起於蕭梁至唐而盛雜取編年紀傳之法而為
之以備史官採擇

梁寶錄

唐志梁皇帝實錄周興嗣二卷

興嗣撰皇帝實錄
皇德記起居注

謝昊

五卷太清實錄十卷雜史許嵩

唐

建康實錄二十卷

六朝

所都偽史劉昫燉煌實錄二十卷

晁氏志建康實錄始

自吳起漢興平元年終於陳末禎明三年南朝六代四
百年間君臣行事及土地山川城池宮苑制置興壞用
存古跡有異事則注之

唐二十八部實錄

志凡實錄二十八部三百四十五卷始周興嗣終於吳

兢中宗實錄劉知幾太上皇實錄以下至韋保衡武宗
實錄不著錄四百五十七卷 六典史官本起居注以
為實錄 崇文總目三十三部八百四十一卷唐高祖
至周世宗

唐高祖實錄 太宗實錄

志高祖實錄二十卷敬播撰房玄齡監修許敬宗刪改
起創業盡貞觀九年今上太宗實錄二十卷敬播顧胤撰房玄齡監
修盡貞觀十四年會要貞觀十七年七月十六日癸巳司空

房玄齡給事中許敬宗著作郎敬播等上高祖今上

太宗

實錄各二十卷使諫議大夫褚遂良讀之始讀太宗初

生祥瑞感動流涕曰朕富有四海追思膝下不可復得

收卷遣編之秘閣賜皇太子諸王各一部

封玄齡一子
縣男賜物千

跋重書
康美

敬播傳與敬宗撰高祖實錄興創業盡貞觀十

四年至是又撰太宗實錄訖二十三年

房喬嘗稱播
為陳壽之流

通鑑

貞觀十七年七月癸巳書成上之上見其書六月四日

事語多微隱命削去浮辭直書其事初上謂監修國史

玄齡曰前世史官所記皆不令人主見之何也對曰史官不虛美隱惡人主見之必怒故不敢獻上曰朕欲自觀國史知前日之惡為後來之戒公可撰次以聞諫議大夫朱子奢上言云云上不從玄齡乃刪為高祖今上寶錄

唐貞觀寶錄

志長孫無忌貞觀寶錄四十卷 會要永徽元年閏五月二十三日史官太尉無忌等修貞觀寶錄畢上之起

貞觀十五年至二十三年五月勒成二十卷通前共四十卷顯慶元年七月三日史官太尉無忌左僕射于志寧等修國史成起義寧盡貞觀末凡八十一卷藏其書於內府至四年二月九日中書令許敬宗等五人受詔撰貞觀二十三年以後至顯慶三年實錄成二十卷添成一百卷上以敬宗所記多非實錄謂劉仁軌曰此既乖於實錄何以垂之後昆

高祖太宗實錄敬播所修頗多詳直敬宗輒以愛憎刪改

本傳所
補四事

書目太宗實錄四十卷許敬宗奉詔定起初

誕盡貞觀二十三年八月 舊史顧脩撰太宗實錄二

十卷

永徽中

唐高宗實錄

志許敬宗皇帝實錄三十卷高宗後修實錄三十卷

崇文

目書目止
有後修

初令狐德棻撰止乾封劉知幾吳兢續成

初起

載盡永淳二年
貞觀二十三年以後

至顯慶四年許敬宗等撰
至顯慶三年成二十卷

韋述高宗

實錄三十卷武后高宗實錄一百卷

唐則天實錄

志則天皇后實錄二十卷

書目同

魏元忠武三思祝欽明

徐彥伯柳沖韋承慶崔融岑義徐堅撰劉知幾吳兢刪

正 吳兢傳初與劉子玄撰定武后實錄叙張昌宗誣

證魏元忠事頗言說已然可賴宋璟等邀勵苦切故轉

禍為忠說為相讀之心不善知兢所為即從容謂曰劉

生書魏齊公事不少假柰何兢曰子玄已亡不可受誣

地下兢實書之其草故在聞者歎其直說屢以情斬改

辭曰徇公之情何名實錄卒不改世謂今董狐 會要

神龍二年五月魏元忠至徐堅等修則天實錄三十卷
文集一百卷上之開元四年十一月十四日子玄兢重
修則天實錄三十卷與中睿實錄同上

唐中宗實錄 睿宗實錄

志吳兢中宗實錄二十卷劉知幾太上皇實錄十卷

書目

十卷下
止傳位

睿宗實錄五卷 會要開元四年十一月十四

日修史官劉子玄吳兢撰中睿實錄各二十卷成以聞
又引古義白於執政姚崇奏叙事記言所錄雖重承恩

賜命固不在多請各賜物五百段許之中興書目中
宗實錄起神龍元年復位盡景龍四年八月傳位凡六
年睿宗實錄十卷起初誕盡先天二年七月禪位凡四
年又五卷知幾兢等撰起藩邸盡開元四年其書互為
詳畧

唐玄宗實錄

志開元實錄四十七卷失撰人姓名張說今上實錄二
十卷說與唐穎撰次玄宗開元初事玄宗實錄一百卷

令狐峘撰元載監修

峘所纂開元天寶間事唯得諸家文集編其詔冊以備一朝之遺事

多漏畧名臣傳記十無二三不稱良史

中興書目一百卷元載令狐峘

撰起先天元年盡上元三年以大厯三年上凡五十年

集賢注記唐穎進所撰稽典一百卷燕公秦留史館

修史撰今上寶錄十三卷韋述知史館敕令述寫燕公

所撰今上寶錄二十卷藏集賢史庫 會要元和十四

年九月

乙巳

上謂宰臣曰朕讀玄宗寶錄見開元之初銳

意求理至十五六年則稍懈至開元末又似不及中年

其故何也崔羣對

入元和中請玄宗實錄見事出一主而興替頓殊李絳對

元和四

年七月上讀貞觀開元實錄見太宗撰金鏡書及帝範
玄宗撰開元訓誡思繼前躅遂制君臣事跡

唐肅宗實錄

志肅宗實錄三十卷元載監修

中興書目卷同元載撰起至德元盡後元年凡

六年會要元和七年六月上讀肅宗實錄見大臣傳多

浮辭虛美因宣與史官令紀事詣實

唐代宗實錄

志令狐岵代宗實錄四十卷

中興書目同起寶應元盡大曆十四年九十七年

會要元和二年七月

癸巳

大僕丞令狐丕進父岵所撰

代宗實錄四十七卷

詔贈工部尚書建中初受詔撰未就聽在外成書當時名臣如

房琯而直諫如顏真卿畧而不載時譏漏畧

唐建中實錄 德宗實錄

志沈既濟建中實錄十卷

舊史崇文目同沈既濟傳撰建中實錄時稱其能 德

宗實錄五十卷蔣乂樊紳林寶韋處厚獨孤郁撰裴均

監修

崇文目同十五年

起建元中盡貞元二十一年

會要元和

二年二月詔撰德宗實錄五年十月庚辰宰臣裴垍與

史官蔣武韋處厚等五人撰五十卷獻之

賜垍錦
練銀器

書

目唐建中實錄十五卷左拾遺沈既濟撰起大厯十四
年以建中二年十月終篇既濟作五例舉終必見始善
惡必評月必舉朔史官雖卑出入必書太子曰薨自謂
辭雖不足而書法無隱云

唐順宗實錄

志順宗實錄五卷韓愈沈傳師宇文籍撰李吉甫監修

愈表云元和八年十一月監修吉甫授臣以前史官
韋處厚所撰先帝實錄三卷云未周悉令臣重修臣與
修撰傳師直館籍等採訪修成五卷削去常事著其繫
於政者比舊錄十益六七忠良姦佞莫不備書去月二
十九日進今月四日重令刊正其奉天功烈更加尋訪
已據所聞載於首卷 太和二年詔實錄所書德順朝

禁中事起於謬傳殊非信史令史官詳正

愈言禁中事
頗切直宦官

惡之屢言不實故令路隋等刊正
開成二年三月帝曰似未詳實

路隋傳愈書禁中

事切直宦獮訾其非實詔隋刊正隋言愈所書非自出
元和以來相循逮今有詔撻貞元永貞間數事為失實
餘不復改 景祐中編次崇文總目順宗實錄有七本
皆五卷五本略而二本詳

唐憲宗實錄

志憲宗實錄四十卷沈傳師鄭澣宇文籍蔣係李漢陳
夷行蘇景喬撰杜元穎韋處厚路隋監修 中興書目
路隋等撰起藩邸盡元和十五年正月按文宗實錄長

慶二年閏十月己亥路隋以學士處厚以舍人兼修撰

更日入史館明年詔元穎與傳師澣籍與處厚隋等分

年編次未及成大和中詔景裔夷行漢係等續修成四

十卷

四年三月丁酉路隋進

目錄一卷

目錄今不存

上之時大和四年

也賜錦綵銀器會昌元年四月又詔再修撰與先撰成

本同進三年十月宰臣李紳史臣鄭亞等進重修四十

卷賜銀綵大中二年十一月又詔止行舊本其再修本

今不傳

周墀建言故宰相德裕重定元和實錄竄寄他事以廣父功遂制新書

循史傳

宣宗讀元和實錄見韋丹政事卓然命刻於碑

唐穆宗實錄

志穆宗實錄二十卷蘇景胤王彥威楊漢公蘇滌裴休
撰路隋監修書目路隋等撰起元和十五年正月盡
長慶四年十一月凡五年隋傳云大和七年表上憲穆
實錄今案上憲錄在四年

唐敬宗實錄

志敬宗實錄十卷陳商鄭亞撰李讓夷監修書目李

讓夷等撰起長慶四年盡寶曆二年凡三年會昌五年
上鄭亞等修撰

唐文宗實錄

志文宗實錄四十卷盧耽蔣偕王湋盧告牛叢撰魏謩

監修

書目崇文目同起寶二年盡開成五年凡十四年

會要大中八年三月

魏謩修成上之

賜銀器錦練有差

孫甫曰高祖至文宗實錄

敘事詳備差勝他書

唐武宗實錄

志武宗實錄三十卷韋衡監修

五代時唯存一卷
崇文目一卷

書目皇朝宋敏求撰二十卷起開成五年正月盡會昌六年三月凡七年宣宗實錄三十卷敏求撰起藩邸盡大中十四年二月

唐列聖實錄

會要元和三年十一月上銳於為理徧讀列聖實錄見貞觀開元故事竦慕不能釋卷謂宰臣裴垍等曰太宗嗣業如此玄宗政理如此我讀國史始知萬倍不及先

聖猶須宰臣百官同心輔助况朕今日獨能為理耶事
有乖宜望卿盡力正救裴均等曰陛下及此實宗廟社
稷之福自是延英議政率漏下五六刻元和四年上覽
貞觀故事嘉鄭公諫諍匪躬詔京兆尹訪其子孫及故
居出內庫錢贖賜之七年七月己未延英謂宰臣吉甫
曰覽代宗實錄見先朝紀綱不立嘉歎卿先人事迹

志目錄類孫玉汝唐列聖實錄目二十五卷

崇文目
五十卷

宋朝續唐錄 唐朝補遺錄

唐咸通中宰臣韋保衡與史官蔣偕皇甫煥撰武宣兩朝

實錄光化初裴贄撰懿僖實錄至五代皆缺

唯存武宗錄一卷

皇

朝趙隣幾補實錄淳化五年遣錢熙乘傳取其書四月戊

申得所著補會昌以來日歷三十六卷及他書百卷宋敏

求續成唐錄一百卷慶厯五年王堯臣上之九月癸巳以

敏求為館閣校勘書目會昌實錄二十卷宣懿僖昭實

錄各三十卷哀帝實錄八卷合一百四十八卷

今懿宗二十五卷

會要大順二年杜讓能奏宣懿僖三朝實錄未修二月

敕吏部侍郎柳玭右補闕裴廷裕十五人修之踰年不
編一字唯廷裕撰成東觀奏記三卷納史館 晉天福
六年二月起居郎賈緯奏唐自武宗以後六朝唯有武
宗實錄一卷餘皆缺畧今采訪遺文及耆舊傳說編成
六十五卷目為唐朝補遺錄緯所論次多缺誤而事迹
粗存亦有補於史氏

崇文目唐年補錄六十
五卷賈緯備史六卷

建隆五代通錄

書目通錄六十五卷建隆間昭文館大學士范質撰以

五代實錄共三百六十卷為繁遂總為一部命曰通錄
肇自梁開平迄於周顯德凡五十三年 范質傳述朱

梁至周五代為通錄六十五卷乾德五年三月戊申范

昊上先臣所撰五代通錄 宗文總目初梁末帝無實

錄質自以聞見補成之其續次時序最有條理

編年
類

後唐明宗命端明樞密學士修日歷周世宗用陶穀之

言修明宗之制 天成三年何瓚言張昭有史學嘗私

撰同光實錄十二卷又欲撰三祖志并藏昭宗朝賜武

皇制詔九十餘篇即以為史館修撰補為紀年錄二十卷莊宗實錄三十卷上之又修明宗實錄成三十卷顯德中撰周祖實錄三十卷及梁唐漢五朝實錄梁事遺失餘三帝實錄皆藏史閣

咸平重修太祖實錄

太平興國三年正月己酉命李昉扈蒙李穆董淳趙隣幾同修太祖實錄五年九月甲辰史館修為五十卷以獻賜監修沈倫史官李昉扈蒙等襲衣金帶錦綵銀器

淳化五年四月癸未命張洎李至等同修國史先是上語宰相曰先朝事耳目相接今實錄中多有漏畧可集史官重修蘇易簡對曰近代委學士扈蒙修史蒙性懦逼於權勢多所諱避甚非直筆上因言及太祖受命之際非謀慮所及陳橋之事史冊所缺宜令至等重加綴緝是年十月丙午張洎等獻重修太祖紀一卷以朱墨雜書洎所上紀不列於史館凡躬承聖問及史官採摭之事即朱書以別之其書未成真宗咸平元年九月己巳下詔以

沈淪所修事多漏略先朝命張埴重修太祖實錄未成會

倫沒命右僕射呂端集賢學士錢若水重修丁丑又以
王禹偁李宗諤梁顥趙安仁等同修二年六月丁巳書
成凡五十卷并事目二卷平章事李沆監修上之表云
前集錄敘天造之始稽國姓之源發揮無取銓次失當

今之所正率由舊章文武羣臣舊載者九十二人

或作九十

一今增其遺漏一百四人其於制禮作樂經文緯武申
明大政釐改庶務著於甲令垂為法式靡不具載帝覽

之稱善癸亥詔褒諭賜襲衣金犀帶銀帛若水而下加散官食邑先是詔並加恩而沆獨辭李沆所修視前錄為稍詳而真宗猶謂未備大中祥符九年復詔趙安仁晁迥陳彭年夏竦崔遵度同修王旦監修明年書成自興國至祥符前後凡三修景德四年閏五月庚寅馬知節曰太祖數事恐實錄中未載上令知節具錄奏聞以備史闕

咸平太宗實錄

至道三年十一月己巳

真宗初即位

命集賢院學士錢若水

等修太宗實錄若水請柴成務宗度吳淑楊億同修請

令修實錄官遞宿本院十二月甲午又言太平興國八

年以前君臣獻替不著於話言淳化五年以後親決萬

機不聞於策府請降詔旨於前任宰執三司等處移牒

求訪以備缺文從之時有昭宣使王延德

一本作王建德

上太

宗南宮事跡三卷命送修實錄院咸平元年八月乙

巳

十九日

書成凡八十卷

楊億獨修五十六卷

若水等奉表以獻

表云

借箸之畫咸所預聞
執簡而書莫非撫實

上親覽涕泗嗚咽命坐從容勞問

纔九月而畢上甚歎其速以其書入禁中時若水判集
賢院因用院印史館無所預以諸王賜食聽為修撰所令
莊宅使劉承珪掌其事乙卯若水等加食邑階勲賜器
帛長編至道三年十一月乙巳詔工部侍郎集賢院
學士錢若水修太宗實錄若水舉官同修起居舍人李
宗諤預焉上曰自太平興國八年以後皆李昉在中書
日事史策本憑直筆若子為父隱何以傳信於後代除

宗諤不可餘悉許至咸平元年以後並同前上前出會要

祥符九年二月己丑監修王旦言兩朝實錄事有未備者望付修史官增修從之遂委趙安仁晁迥等增續明年書成其卷帙如舊

乾興真宗實錄

乾興元年十一月癸酉日命翰林承旨李維學士晏殊

修撰真宗實錄諭以一朝大典謹筆削之意壬午日

命孫奭宋綬陳堯佐為同修撰官十二月丁巳詔宰臣

馮拯提舉監修天聖元年二月乙巳王舉正李淑為檢
討拯卒又命宰臣王欽若代之天聖二年三月癸卯書
成凡百五十卷事目五卷癸卯欽若等詣承明殿以獻
兩宮覽書涕泣命坐勞問錫會進官錫宴於編修院一本無事目五卷
甲辰以欽若為司徒丙午李維等遷官第賜器幣襲衣
金犀帶鞍勒馬

嘉祐仁宗實錄

嘉祐八年十二月十二日庚辰

時英宗已即位

命翰林學士王

珪賈黯范鎮修仁宗實錄以宋敏求呂夏卿韓維為實

錄院檢討官治平元年二月戊辰命宰臣韓琦提舉

治平

四年五月上遣使取淨草二篇留觀禁中賜史臣手詔熙寧二年七月己丑韓琦

上之凡二百卷

又本有事目十卷長編命王珪等為檢討入內都知任守忠管勾敏求時知

亳州召用之無韓琦提舉事

熙寧英宗實錄

熙寧元年正月二十四日

一云二月丁酉

詔以宰相曾公亮提

舉呂公著韓維王安石修撰孫覺曾鞏檢討二年七月

已丑司徒韓琦等上英宗實錄三十卷事目三卷

一云曾公

亮等上

賜詔獎諭

時與仁宗實錄同上琦等言書成乞不推恩從之

元祐神宗實錄

元祐元年二月六日乙丑詔修閏二月命司馬光提舉

鄧溫伯陸佃並修撰十月又以呂公著提舉黃庭堅范

祖禹檢討四年左僕射呂大防提舉六年三月四日癸

亥書成進呈上東鄉再拜然後開編大防於簾前進讀

詔止讀令進

七日賜宴于寶錄院

丙子大防等遷秩 紹聖元年

四月戊辰從蔡卞之請重修至三年十一月戊辰書成
進之元符三年五月左正言陳瓘言伏聞王安石日
錄七十餘卷具載熙寧中奏對議論之語此乃人臣私
錄非朝廷典冊自紹聖再修凡日歷時政記及御集所
不載者徃徃專據此書追議刑賞宗廟之美皆為私史
所攘願詔史官別行刪修詔三省同參對聞奏靖國元
年六月壬戌詔熙寧元豐事實具備元祐紹聖編錄具
存訂正討論宜公乃心務不失實十月詔前降參取元

祐寶錄及刪除王安石日錄指揮更不行

紹興重修神宗寶錄

紹興五年九月十五日乙酉左僕射監修趙鼎史館修

撰范冲直史館任申先著作佐郎張九成等上重修寶

錄五十卷

後三日制鼎進
二官冲等一官

至六年正月癸未成書通已

進凡二百卷繕寫三部一為御覽一藏天章閣一付秘

省先是建炎初上謂朱勝非曰神宗史錄事多失實遂

降詔重修勝非薦范冲兼史事冲言神宗寶錄自紹聖

中已命官重修既經刪改慮他日無所質證今為考異
追記紹聖重修本末朱字係新修黃字係刪去墨字係
舊文每條即著臣所見於後以示去取

世號朱
墨史

紹興

九年二月壬子朔史館進祖宗實錄上曰朕欲見景德

講和後故事

紹興重修哲宗實錄

初元符三年詔修哲宗實錄至大觀四年四月成書紹
興四年五月庚申詔條具重修事件八年六月九日癸

亥左僕射監修趙鼎修撰勾濤祕書少監尹焞著作郎
張嶠佐郎胡理校勘朱松李彌正高閔范如圭等以重
修哲宗元豐八年至元祐八年實錄上之至九月甲午
書成起紹聖元年至元符三年通前錄為一書成一百

五十卷先後進呈

著作何掄謂舊錄一書不應分前
後請併紹聖元符接續修纂從之上

皆御殿如進神宗實錄之制丁未趙鼎遷特進先是宰
臣朱勝非言哲宗實錄經京卞之手議論不公遂詔史
官看詳重修後邵溥上其父伯溫辨誣王銍上元祐八

年補錄送史館參修初舊錄係二百卷勾濤言請
依英宗實錄例目通融裁減卷帙從之 乾道七
年十一月二十八日詔秘省繕寫太祖至哲宗實錄讐
校以進 神錄有考異哲錄有辨誣皆出范冲一
手

紹興徽宗實錄 淳熙重修 乾道欽宗實錄

紹興七年詔修八年秋即史館開實錄院十一年七月

戊戌進六十卷

自元符三年至大觀四年

丁未提舉秦檜遷少保封

興國公庾戌修撰已下各遷秩所修疎畧二十八年二

月癸巳修撰賀允中等請重修大觀以前實錄八月戊

戌十一日提舉湯思退等上一百五十卷以左僕射沈該

為禮儀使

自八年秋開院踰二十年乃成再加增潤猶多疎畧

上御垂拱殿進

呈訖奉安於天章閣

一云藏于敷文閣

又以小本進入禁中癸

卯思退遷左正奉大夫丙午同修國史周麟之奏副本

在有司者宜謹其藏不許開借傳寫 乾道四年四月

甲寅上欽宗實錄四十卷并帝紀

乾道二年十一月起居舍人洪邁奏欽宗

日歷已成宜修纂十二月詔免
進呈因龔茂良所補日歷而修
五年十二月秘書少監

李燾請重修徽錄六年置院重修淳熙四年三月九日

上重修徽錄二百卷考異二十五卷目錄二十五卷進

呈如二十八年之制

燾薦呂祖謙為檢討審訂增刪數
百條書遂成汪藻纂元符以來

詔旨至宣和凡八百六十五卷實錄所
取十蓋七八然猶多脫畧燾增修之

紹興以後置

二相則右相仍領實錄院無次輔則以執政權執政
權提舉實錄自乾道二年十二月魏杞始以無相故
也

慶元高宗實錄

淳熙十五年三月十一日洪邁請開院修纂慶元三年
二月五日上二百八十卷起藩邸至紹興十六年修撰
傅伯壽等 嘉泰二年正月二十一日又上二百二十
卷起十七年至三十二年修撰袁說友等自奉詔至成
書凡十六年成五百卷

嘉泰孝宗實錄 光宗實錄

慶元元年七月二十日詔修孝宗實錄嘉泰二年詔傅

伯壽陸游同修專以委之三年四月十七日上五百卷
又上光宗實錄一百卷

實錄自東都以前凡一百六十八年不過一千餘卷南
度後高孝六十餘年亦一千卷孝錄比他書尤疏駁

淳祐寧宗實錄

二年二月上

重修太祖實錄李沆辭加恩 太祖太宗史成王旦進
秩司徒 真錄并正史成提舉並遷秩 仁英錄并兩

朝正史成提舉韓琦曾公亮王珪並辭之但賜器幣
有差珪又增一子六品服 元祐神錄成左相呂大
防遷兩秩 紹興重修神錄左相趙鼎進二官為左
光祿大夫鼎辭賜銀帛衣帶一子六品服用元豐舊
制也

記注

荀悅申鑒朝有二史左史記言右史記動動為春秋言
為尚書君舉必記臧否成敗無不存焉 隋志周穆

天子傳體制與今起居注正同蓋周時內史所記王命之副

周公記注

春秋左氏傳隱八年注諸例或發於始事或發於後者固宜有所異同亦或丘明所傳記注本末不能皆備疏周公舊凡於記注之文散在諸事丘明作傳因記注之文發例故或先或後左氏傳序周德既衰官失其守赴告策書諸所記注多違舊章仲尼因魯史策書成文

遵周公之遺制明將來之法其發凡以言例皆經國之
常制周公之垂法史書之舊章仲尼從而修之以成一
經之通體注隱公七年始發凡例特云謂之禮經十一
年又云不書於策建此二句於諸例之端明書於策者
皆有經國之常制非仲尼始造策書自制此禮也 昭
二年注春秋遵周公之典以序事故云周禮盡在魯矣
疏定四年傳稱備物典策以賜伯禽典策則史官記事
之法也

漢著記

藝文志春秋家漢著記百九十篇

一作卷

注師古曰若今

起居注

律歷志劉歆歷譜著紀高祖即位十二年惠

帝著紀七年高后著紀八年文帝著紀二十三年景帝

著紀一十六年武帝著紀五十四年昭帝著紀十三年

宣帝著紀二十五年元帝著紀十六年成帝著紀二十

六年哀帝著紀六年平帝著紀孺子著紀更始著紀自

漢元年訖更始二年凡二百三十歲光武皇帝著紀以

景帝後高祖九世孫改元建武歲在鷄尾之張度即位

三十三年 五行志凡漢著紀十二世二百一十二年

日食五十三朔十四晦三十六先晦一日三

唐開元歷合朔議考

漢元光以來史官注記日食有加時者凡三十七事

鄧后紀劉毅上書曰古之

帝王左右置史漢之舊典世有注記

兒寬傳臣瓚曰漢注卒史秩百石

宣紀黃龍元年師古曰漢注云此年二月黃龍見廣漢

晁錯策謂高皇功德

歷之春秋終軍上對謂異獸奇木宜使著事者有

紀劉向封事言星聚等事而曰皆著於漢紀谷永

封事言建始以來

元

災異而曰八世著記久不塞

除

李奇曰高祖以來至元帝

劉歆之譜三統厯則引高帝至光武

著紀以明即位之年班固之志五行則引十二世著

紀驗日食之數

遷作史記本於紬金鎖石室之書固

作漢書本於採纂前記漢武有禁中起居注永平中撰

建武注記明德后撰明帝起居注劉毅乞修長樂宮注獻

帝及晉代以來起居注皆近侍臣所錄

後志注引獻帝起居注後五

行志注

馬融言日蝕

曰漢書所載史官占候

唐陳正卿作續尚書其表謂

漢臣著記新體互約於表志則著記為漢起居注昭昭矣

漢大事記 大年紀 漢帝年紀 春秋考紀

史記漢興以來將相年表所記有曰大事記有曰相位
將位御史大夫位大事若高祖始為漢中王破項羽踐
尊位而尊太上皇惠帝城長安文帝除苛律相位若蕭
何守關中將位若太尉盧綰為燕王御史大夫若周苛
守滎陽裴駟案司馬遷記事迄於太始元年而此表至

陽朔鴻嘉後所增也 藝文志春秋類有太古以來年紀
二篇漢大年紀五篇 高紀五年臣瓚注曰漢帝年紀
有信平侯臣陵都武侯臣起 文紀三年柴武注臣瓚
曰漢帝年紀為陳武 武紀天漢元年秋注閉城門大
搜臣瓚曰漢帝年紀六月禁踰侈七月閉城大搜則搜
索踰侈者也征和元年十一月臣瓚注引漢帝年紀發
三輔騎士大搜長安上林中 前敘傳起元高祖終于
孝平十有二世二百三十年為春秋考紀注師古曰謂

帝紀也

晁錯云刻於玉版藏於金匱歷之春秋紀之後世為帝者祖宗與天地相終

史遷

既易編年為紀傳而將相名臣年表之作復以漢興以來大事為之記蓋以成春秋之法也上自高祖肇造下迄天漢紀年之後凡閭基勦業則書之高帝元年春王漢秋定雍二年定塞翟等國據滎陽三年定魏代趙四年定齊及燕五年破楚踐位是也伐畔除虺則書之若高祖之擊信布孝景之擊吳楚是也凡定都營國則書之若都關中城長安若長樂未央之成太倉西市之

立是也封建朝覲則書之若高祖王兄仲於代文帝王
諸子於太原等國景立河間諸王武立六安諸王與夫
楚元齊悼之來朝諸侯王之至長安是也凡尊親立廟
冊后建儲之禮則書之若高祖之尊上皇惠景之立高
文廟與夫太子之立書於高帝之二年衛后之立書於
元朔之初載是也凡肆眚除虐導民興利則書之若赦
復作除挈律孝悌力田之置八銖錢貨之行是也凡郊
祀正朔祥瑞災異則書之渭陽之祀雍時之幸建元之

紀號太初之正曆與夫汾陰寶鼎之出河決地動之異是也

漢禁中起居注

隋志漢武帝有禁中起居注 通典周官有左右史記其言事蓋今起居之本漢武帝禁中起居注馬后撰明帝起居注則漢起居似在宮中為女史之任魏晉著作掌之後皆近侍之臣錄記後魏始置起居令周有著作二人掌綴錄起居著作之任自此而分 西京雜記葛

洪家有漢武禁中起居注一卷漢武故事二卷

抱朴子論仙按

漢禁中起居注

北史柳蚪曰漢魏以還家為記注徒聞後世

無益當時

漢建武注記 顯宗起居注

馬嚴傳永平十五年顯宗召見詔留仁壽閣與校書郎

杜撫班固等雜定建武注記 隋志劉珍等撰漢記起

光武記注至靈帝 明德馬后紀后自撰顯宗起居注

削去兄防參醫藥事曰不欲後世聞先帝數親後宮之

家故不著也 荀悅申鑒先帝故事有起居注日用動
靜之節必書焉宜復其式內史掌之以紀內事 楊賜
傳侍講注籍 文選赭白馬賦李善注引漢明帝起居
注帝向太山至滎陽有鳥鳴輒云云

漢史官注記

見天文書及唐厯議

漢長樂宮注 古今注

和熹鄧后紀初元五年平望侯劉毅以太后多德政欲

令早有注記上書安帝宜令史官著長樂宮注聖德頌
以敷宣景耀勒勲金石垂之日月攄之罔極帝從之

伏無忌傳不其侯無忌與黃景崔寔等撰漢記又自采
集古今刪著事要號曰伏侯注 隋志雜史伏無忌古

今注八卷其書上自黃帝下盡漢質帝

唐志
三卷

晉古今注

唐志儀注類崔豹古今注一卷又雜家崔豹古今注三

卷

輿服都邑音樂鳥獸魚蟲
草木雜注問答釋義八篇

周蒙續古今注三卷

崇文
目有

之
隋志雜家古今注三卷 書目雜家古今注三卷

晉太傅丞崔豹撰雜取古今名物各為考釋凡八門中華古今注三卷五代唐馬縞撰初崔豹進古今注原釋事物初始之意縞復增益注釋以明之凡六十六門

晉泰始起居注 咸寧注

見元會

起居注

梁流別起居注

隋志晉泰始起居注二十卷

唐志同

咸寧起居注十卷

唐志

二十卷
太康起居注二十一卷

唐志二十卷

並李軌撰建武太

興元康咸和咸康建元永和升平隆和興寧咸安太和

寧康太元隆安元興義熙元熙皆有之

唐志有永平永昌

宋劉

道會

唐志作蒼

撰晉起居注三百一十七卷

唐志三百二十卷

梁徐

勉以起居注煩雜乃為流別起居注六百六十卷

唐志有四

十七卷失姓名

蜀志注引晉泰始起居注載詔曰諸葛亮在

蜀盡其心力其孫京隨才補吏

文選注引晉起居注

太康四年詔

世說注引惠帝建興太元起居注

魏

志注案陸機惠帝起居注

宋書傅亮與蔡廣書引陸

士衡起居注元嘉十四年河西王求晉起居注 宋志
地理以晉宋起居凡諸記注推討辨折 齊永明二年
沈約兼著作郎撰次起居注 周興嗣撰皇帝實錄皇
德記起居注職儀

唐六家起居注

志起居注類六家三十八部一千二百七十二卷郭璞
穆天子傳六卷李軌晉太始起居注二十卷何始真晉
起居鈔五十卷劉道蒼晉起居注三百二十卷王浚之

三代起居注鈔十五卷溫太雅大唐創業起居注三卷
此六家之著錄者若漢獻帝晉咸寧太康永平咸和咸
康大興建元永和升平隆和興寧太和咸安寧康太元
崇寧元興義熙元熙宋永初景平元嘉孝建大明後魏
齊永明梁大同陳隋起居注及晉起居注鈔流別起居
注失姓名者二十六家而不著錄者開元起居注姚璿
修時政記三家三千七百二十五卷總七家七十七部
并實錄詔

令 隋志自穆天子傳漢獻帝起居注至隋開皇南燕

注四十四部一千一百八十九卷 六典四十一部

舊志列代起居注四十一家

唐創業起居注 貞觀注記

藝文志溫大雅

工部尚書

大唐創業起居注三卷

中興書目三卷起隋

大業十二年為大原道安撫蓋義寧二年五月甲子即帝位改武德元年紀用帥符識受命典冊事 雜史大

雅今上王業記六卷

百官志起居郎錄起居法度舍人修記言

之史貞觀初

省舍人

以給事諫議兼知起居注或知起居

事每仗下議政事起居郎一人執筆紀錄於前史隨之

其後

顯慶中

復置起居舍人分侍左右秉筆隨宰相入殿

若仗在紫宸內閣夾香案分立殿下直第二螭首和墨

濡筆皆在坳處永徽後許敬宗李義府為相畏人之知

命舍人承旨仗下與百官皆出不復聞機務矣

開元五年九月

宋璟建言令史官隨宰相入侍

會要

兼列傳

蘇氏記曰貞觀中仗退後

太宗與宰臣議政事令起居郎一人執簡記錄由是貞

觀注記稱為畢備貞觀元年杜正倫以給事中知起居

注帝曰朕坐朝不敢妄言正倫曰臣職左史一言之失

且筆之書千載累德九年十月十六日帝欲見起居記
錄以知得失諫議大夫朱子奢曰聖德舉無過事史臣
所述盡善陛下獨覽於事無失傳示子孫竊有未喻中
主庸君飾非護短見時史直辭極陳善惡必不省躬罪
已唯當致怨史官全身畏死則悠悠千載尚可聞乎十
六年褚遂良以諫議大夫兼知起居事四月二十八日
子帝曰人君得觀之否對曰起居古左右史善惡必記
未聞天子自觀史帝曰朕有不善卿必記耶曰臣職在

載筆君舉必書劉洎曰使遂良不記天下之人亦記之
矣七月八日帝曰朕行有三一監前代成敗二進善人
三斥遠羣小亦欲史氏不能書吾惡也憲宗元和十二
年九月舍人庾承休建言天子視朝羣臣以次對言有
可傳者承旨宰臣示左右起居載錄季送史官如故事
詔可執政以機密不可露罷之會要云
庾敬休左史猶因制敕
筆削右史但編集詔書而已劉知幾曰史官唯自詢采
二史不注起居文宗大和九年十二月令郎舍人入閣

日於螭頭下記言事開成初張次宗為舍人文宗始詔左右史立螭頭下記宰相奏對既退帝召見審正是非故開成時事為最詳

鄭覃日記注操筆赤墀下所書為後世法

開成中鄭朗為

起居郎文宗與宰相議政適見朗執筆螭頭下謂曰朕將觀之曰故事天子不觀史帝謂宰相曰朗不俾朕見起居注可謂善守職然庶一見以自改遂上之開成四年十月乙卯帝就舍人魏謩取記注觀之謩不可帝曰我既嘗觀之曰史氏為失職陛下一見則後來所書必

有諱屈善惡不實後代何信哉帝乃止武宗會昌二年
十月中書奏起居注記比者不逐季撰錄請每季初即
納前一季所記與史館以遲速為殿最從之

唐開元起居注 開元注記 古今注記

藝文志開元起居注三千六百八十二卷失撰人名

休于

烈傳云藏
興慶宮

歷志大衍中氣議曰較前代史官注記惟

元嘉十二年十一月甲戌景長皇極麟德開元歷皆得癸
酉麟德已前實錄所記依時歷書之合朔議曰本史官候

簿考漢元光已來史官注記日蝕有加時者三十七事日
度議曰考古史及日官候簿以太史注記日蝕衡考日
度日蝕議曰較古今日蝕四十三事月蝕九十九事課
皆第一五星議曰太初三統歷歲星十二周天超一次
推商周間事大抵皆合驗開元注記差九十餘度較歷
必稽古今注記八氣均而行度齊上下相距反復相求苟
獨異於常則失行可知較史官所記歲星二七事熒惑
二十八事鎮星二十一事太白二十二事辰星二十四

事開元歷課皆第一

志凡唐著紀三百八十九年日食九十三朔九十一晦二十一

漢

賈逵歷論引史官注太史侯注劉洪考古今歷注晉乾度

歷參校古今記注

劉知幾奏記蕭至忠言五不可曰

今史官注記類稟監修

唐古今注記唐開元紀號

九載制詔太史麟德歷推步閏疏合朔屢爽其

更造密度定大明之制為萬世則繇是臣一行

治新歷倚數立法本諸大衍越十五載草具其

書申命臣說纂次為術七畧例議十有二而古今

注記以稽氣度之行入見於五星議著雍執徐之歲仲秋乙巳書成越明年詔行焉維注記之書實欽天授時之樞要是不可亡序夫治厯之法以人占天非難以古驗今為難渾元初基靈曜未紀黃序肇制綜術維六論者猶曰重黎記注象應著名然則遂古之初若有常憲爰周建官太史正歲年馮相會天位保章志變動咸有典籍用記留祥矧越禩五千改厯凡七漢氏厯譜十有八家準度起元可不參究是故史遷以諲記譜年數班生

呂著紀志日食賈遠議黃赤道按太史候注明月行日
度之遲疾劉洪舛乾象術攷古今厯注定斗分紀法之
進退暨晉咸寧乾度泰始二厯參校古今注記之名於是
始見疇人日官苟求其故則孟春建正不必虞史而後
明八百歲一日之差不必下閏而後識然數學不遽則
運算舛史學不博則立論疏太初至麟德名家二十三
九章至漏經厯算之家三十六春秋至開元厯氣之事
三十一上元甲子距開元積算九千六百九十六萬一

千七百四十造計秒忽就研其幾維茲新厯參天地二中之數綜八卦爻之序研九疇五紀之奧本五王一侯之式凡左氏國語真正時訓歷代之史百氏之書釐錙折銖氷渙縷解有若中氣之議呂前代史官注記較元嘉之日景合朔之議呂漢元光以來注記驗日食之加時此稽諸古也月食之衝呂太史注記攷日度歲星之次呂開元注記推商周此揆諸今也至於顓頊攝提之元据於厯記帝堯演紀之端參於古史候簿即氣朔

之差訂殷厯之非即日食先後明周魯厯之偽或辨古
厯星度或采麟德實錄躔離發斂昭合載籍推法密要
為唐厯宗微一行數學之邃說史學之博疇克臻茲鋪
觀史志古今日食四十三加時三十七月食九十九史
官記五星之事百二十有二開元厯課皆第一二十一
載龍集癸酉復詔侍御史麟太史令執圭較靈臺候簿
而是非堅定蓋不通古今無呂成其數之密不證古今
無呂表其術之精繇至德迄宗元損益其法摹規擬矩

莫能改錯揆元探端注記實啟之抑五星議有曰吉凶
之象天呂警悟人主則是書亦君德之著蔡宣植為歷
數設哉按隋志天文類太史注記六卷開元著錄軼而
亡傳會要載古今歷書為卷二十四與太衍歷俱上志
亦不著云

唐時政記 聖政紀

百官志

兼列傳會
要舊史

永徽後左右史惟對仗承旨仗下謀

議不得聞長壽二年正月戊申文昌左丞相姚璹以為

帝王鑒訓不可缺紀建議仗下後宰相一人錄軍國政

要月送史館

時政有記自靖始
志靖修四十卷

然推美讓善之道行信

史直書之義缺於時事尚十得四五未幾亦罷貞元十
二年正月宰臣趙璟對延英上問起居注記奏曰永徽
後仗下謀議不得聞注記但於制敕內采錄長壽中姚
璩撰時政紀此事又廢上曰君舉必書義存勸戒時政
紀宰相宜依故事為之元和八年十月延英對宰臣問
時政記於監修李吉甫對曰是宰相記天子事以授史

官之實錄也姚瑋修於長壽及瑋罷而事廢賈耽齊抗修於貞元及耽罷而事廢十二年九月舍人庾敬休請宰臣及諸司對後事可勸戒者宰相示左右起居綴錄季送史館既而宰相以幾密不以告事竟不行

自左右史失職

於今幾一百五十年

長慶元年四月中書門下奏時政記久廢史

官推寫誥詞除授請以謀議事關政事者許臣等隨日

撰錄號聖政紀歲末付史官

舊紀長慶元年四月戊寅宰臣崔植杜元穎奏請生

日有君臣獻替事關理體隨日撰錄號為聖政紀太和

歲終付史館從之事亦不行

來鵠為聖政紀頌

元年十二月詔入閣日郎舍人具筆紙立螭頭下復貞
觀故事開成三年二月楊嗣復為相時延英訪對史臣
不及知嗣復建言故事正衙起居注在前便坐無所紀
錄姚璹趙憬皆請置時政記不能行臣請延英對宰相
往復之辭委中書門下直日紀錄月終送史館它宰相
議不同止會昌二年十月中書門下奏時政記起居注
記修史例每聞聖言有慮及生靈事關興替依故事知
印宰相撰錄歲末付史館大中六年裴休同平章事奏

言宰相論政上前知印者次為時政記所論非一詳已
辭畧他議事有所缺請宰相人自為記合付史官詔可

五代史後周李穀監修國史請命近臣錄禁中事付史
館乃命樞密直學士就樞密院錄送史館自此始來鵠
聖政紀頌序貞觀永徽之代言事者安論紆辭無疑權
慮勢正衙一開則臣誠前而啟之帝旒近而鎮之史筆
隨而絡之由是君臣謀國圖政之事俞機都要之言豐
編照物偕籍于堯典永徽之後宰執不正狼噬虎食乃

奏史官與百僚俱退君有問而宰臣知之史官不得與
於聞君有舉而宰臣謀之史官不得記其事次第周行
檢錄制誥與冗吏同工而已史臣者當國之鏡千億代
之眉目也磊磊其事鏗鏘其聲雲諏波訪倦編利筆

唐集賢注記

志職官類韋述三卷 書目二卷學士韋述紀置院經

始及開元天寶中學士名氏皆隨文注釋

今本二卷乾道九年六月

洪遵以大清樓本校之厘可讀

韋述自登書府至天寶十五載凡四

十年緬想同時凋亡已盡後來賢彥多不委書院本末
歲月漸久或慮湮沉敢因東觀之暇聊記置院經始及
前後學士名氏事皆親覩不敢遺隱時丙申歲二月也
注麗正殿在東宮正殿崇政殿之北光天殿之南 述
以開元五年冬敕就秘書省撰續王儉七志及刊校四
庫書籍八年入麗正殿校勘十三年三月授集賢院學
士自開元十三年四月迄天寶十五載二月集賢院修
撰校理待制及文學直等摠五十九人開元十三年四

月至天寶十四載集賢院學士直學士三十三人

唐司議郎記注

見東宮官

唐東觀奏記

志雜史裴庭裕東觀奏記三卷大順中詔修宣懿僖寶錄以日歷注記亡缺因撫宣宗政事奏記於監修國史杜讓能會要大順二年二月敕吏部侍郎柳玘等修宣懿僖寶錄始監修杜讓能以三朝寶錄未修乃奏柳

玘右補闕裴庭裕左拾遺孫泰駕部郎李嗣太常博士
鄭光庭等十五人修之踰年竟不能編錄一字惟廷裕
采宣宗朝耳目聞覩撰成三卷目曰東觀奏記納於史
館

淳化崇政殿起居注

淳化五年四月五日丙戌史館修撰張昺言聖朝編年
謂之日厯惟紀報狀序敕文至聖政皇猷羣臣忠邪庶
務沿革莫有紀述謹按六典故事請置起居院修左右

史之職記錄為起居注每月與時政記同送史館上嘉
之乃置院於禁中命梁周翰李宗諤掌郎舍人事修撰
體式檢討故事以聞丁酉周翰等言禮記左史記言右
史記動漢武帝有禁中起居注魏晉職歸著作後魏始
置起居令史行幸宴會則在御坐左右記錄後別置起居
注二人北齊有起居省隋置舍人唐初隸門下顯慶中
郎舍人分屬兩省今陛下重興古道乞今後應有崇德
殿長春殿皇帝宣諭之言侍臣論列之事依舊中書編

為時政記月終送史館自餘百官封拜除改沿革之事

並令關報起居院以備編錄每月送史館仍命郎舍人

分直崇政殿以記言動別為起居注每月先進御後付

史館從之

起居注進御自周翰等始自後為同修起居注又以注記檢討書籍事屬史館

胡銓曰

周翰宗諤建言起居注先奏御豈不愧於唐褚遂良魏墓二子哉

慶曆三年十一月

辛卯同修注歐陽修請上殿臣僚少留殿門俟修注官

出面錄聖語又請更不進本從之至和元年八月二

十四日知制誥賈黯乞修注官入侍通英閣事有可書

隨即記錄二年三月丁卯令立侍諫官兼修注自熙寧

二年四月八日陳襄范純仁始元豐二年五月一日

王存兼修注存建言臣僚登對許記注官侍立

後不果行

年四月二十五日改修注為郎舍人六年九月戊辰令

郎舍人隨左右分紀言動

元祐元年二月詔不分記

崇寧元年十月

詔前殿視朝左右史於殿門供奉紹聖二年四月詔

修注官講求典故詳定當書者著為式

會要載政和修注

兩朝志天子御正殿記注官不侍左右惟朝會對立於

香案前常日更番遞直於崇政延和二殿行幸從上出入
神宗史志御正殿則俟於門廡外便殿則侍立行
幸則從大朝會則立於殿下螭首之側凡朝廷命令赦
宥執政官以下進對御史刺史以上除拜祭祀燕享臨
幸引見之事日月星辰風雲氣候之兆祥瑞之符孝悌
之行戶口之數皆書以授著作 隆興元年起居郎胡
銓言史職之廢有四一曰進史不當二曰立非其地三
曰前殿不立四曰奏不直前云云五月一日詔前殿令左

右侍立

景德時政記

元豐
乾道

紹興

開寶七年閏十月庚申史館修撰扈蒙請委宰相及參政凡事經聖斷可書簡策者錄付史館乃命參政盧多

遜纂錄未成書

今史館書目有是年時
政記草一卷後亦失

太平興國中直

史館胡旦復以為言八年八月辛亥詔中書門下凡國家之事宜諭之言令參政李昉纂錄每季送史館家院亦令副使一人撰集昉上言請每月先奏御後付所司

從之

時政記奏御自昉始

昉為相參政蘇易簡代之自是中書皆

參政編錄惟呂蒙正常以宰相領時雖有時政記之名

但題云送史館事件至景德元年始題云時政記

端拱二年

十月中書門下言每御前殿密院先上宣諭嘉言無由
間知透詔副使張齊賢抄錄送中書同修為一書而授

史館景德三年五月丙午詔樞密所修時政記至次月十

五日送中書

時王欽若陳堯叟同修

祥符五年六月壬戌令月送

史館先是密院月錄送中書至是欽若等請別撰不關

中書直送史館嘉祐六年七月八日詔月終進呈從諫

官龔鼎臣之請也

實錄七月戊子詔中書樞密院累年未修時政記自今隨月撰進戊子一云

己丑 元祐四年四月
壬戌詔三省官輪修

元豐五年五月六日詔兩省

樞密院時政記

侍郎同知
樞密修

尚書省

左右丞
遞修

三省得旨及

宣諭於當日記錄元祐四年四月壬戌二十四日詔三省月

以所得旨及宣諭輪修建炎四年五月九日有三省樞

密院輪修之詔紹興四年三月十八日

戊辰

詔自建炎元

年五月一日至四年四月一日以前時政記令前宰執

省記編類十月七日簽書樞密胡松年以建炎四年十

一月至紹興元年四月時政記六卷上之詔付史館五
年三月十二日乙酉觀文大學士李綱進建炎時政記
二冊付史館二十六年九月二十五日知樞密湯思退
請每月具錄聖語同時政記上進乾道三年五月丙寅
二十四日右史陳良祐請臣僚奏對所聞聖訓令隨事疏報
不得以無所得聖語為解五年十一月甲寅左史林機
言左右史記言動周官也剪桐之戲史佚執以為辭如
棠之舉臧僖伯援之而諫慶厯三年歐陽修請臣僚奏

事退俟修注官出面錄聖語七年王贇請備錄關報遂
為定制望舉慶厯之典從之七年正月二十三日詔三
省密院所修時政記於二月一日繳進二十九日中書
門下言三省錄記聖語舊以宣諭聖語為名進訖付時
政記房詔以三省宣諭聖語為名與時政記同進降出付
日厯所八年十一月十九日詔次旬終繳進先是七年
正月二十三日詔每旬修時政記於次旬一日進

天禧聖政紀

天禧四年十一月壬戌輔臣請中書密院取時政記美
事別為編錄從之命錢惟演王曾編次丁謂等參詳五
年三月取至道至祥符時政記日厯起居注美事錄為聖
政紀凡百五十卷

正月癸卯上
作序示輔臣

仁宗乾興元年八月

辛亥賜輔臣又掇其事之要者為真宗政要 咸平六
年八月戊寅直祕閣錢惟演上咸平聖政錄一卷
詔付史館 修真宗實錄而起居注缺命程琳追修
祥符以來三十卷上之

景祐通英延義二閣記注

元祐附

景祐二年正月己酉置通英延義二閣三年正月乙巳
說書賈昌朝言天子諸侯朝有二史厥後兩省置左右
史所記事曰起居注唐長壽中姚璿以左右史不預升
殿請中書門下修時政記明皇推愛宗室宴集賜予外
不悉知寧王憲請歲終錄之授史官貞元末韋執誼執
政日修朝廷政令咸錄本朝用長壽貞元故事以樞密
謀參帷幄於本院修時政記隻日便坐決事遊幸宴集

左右在列臣幸侍經禁中陛下以清閒之燕向學稽古
微言善道最高前聖事在雙日杳隔嚴宸時政記史館
日歷及起居注莫得纂述臣自景祐元年春迄二年冬
凡經筵侍臣出處升絀封章進對宴會賜予皆用存記
列為三卷乞付史館詔可以邇英延義二閣記注為名

昌朝誦說明白
上多所贊問

命章得象等續修之至和元年八月戊

午知制誥賈黯言乞令修起居注隨入閣中記事詔命
賜坐於御榻西南二年三月丁卯詔立於講讀官之次

石揚休言恐上有宣諭遠而不聞因令立侍

王拱辰乞
編集講筵

聖諭

元祐六年

一本作
七年

八月二十四日范百祿奏復修

通英閣記注從之二十七日

甲寅

宰相呂大防言近講筵

乞修記注已有旨施行今史院有通英延義二閣記注

具載仁宗與講讀官議論臣嘗進仁宗聖學事迹有未

備者欲寫二閣記注進入以備聖覽其後詔國史院寫

二本進入別寫一本送資善堂

紹興通英記注

二十八年五月十八日

丁丑

起居舍人洪遵言陛下延見

儒臣紬繹經史左右二史旅進旅退微言善行缺無所紀欲自今年八月秋講為始經筵官除罷及封章進對燕會錫予講讀問答等事悉行編錄以通英記注為名從之九月二十七日甲申遵請依講讀官奏事遵又言紹興九年以後起居注未修者殆十五年請每月帶修兩月庶幾天德地業赫然與日星並傳從之二十八日詔郎舍人依講讀官奏事從遵之請也

時為起居郎

二十九年

八月己卯舍人楊邦弼言紹興起居注未修者凡十六年望每月帶修一月從之三年二月徐俯進春秋解義上以宰渠伯書名為貶宰臣請編之記注永為大訓癸巳從之

乾道祥曦殿記注


二年十一月十三日壬子起居舍人洪邁言景祐以來有通英延義記注數十年來稍廢不續臣伏覩今月五日王囂進讀春秋莒人伐杞上曰春秋無義戰周執羔

進讀三朝寶訓論文章之弊上曰文以理為主陳巖肖
奏刑部事上曰寬則容奸急則人無所措手足凡此數
端皆承學之臣日夜探討累數百語不能盡而陛下蔽
以一言然記言動之臣不能究宣乞自今講讀官以日
得聖語送修注官使謹書之願倣前制因今所御殿賜
名祥曦殿記注從之

淳祐緝熙殿記注

二年五月二十五日詔經筵遵舊制以每日講讀經史

奏對進故事及章疏纂為緝熙殿記注編類成表每月
進入



玉海卷四十八